

備急千金要方卷第九 傷寒上

朝奉郎守太常少卿充祕閣校理判登聞檢院上護軍賜緋魚袋官林億等校正

傷寒例第一

辟温第二 治瘴霧氣附

傷寒膏第三

發汗散第四

發汗湯第五

發汗丸第六

宜吐第七

宜下第八

發汗吐下後第九

傷寒例第一

金澤文庫

論曰易稱天地變化各正性命然則變化之迹無方性命之

功難測故有炎涼寒燠風雨晦冥水旱妖災蟲蝗恠異四時
八節種種施化不同七十二候日月運行各別終其晷度方
得成年是謂歲功畢矣天地尚且如然在人安可無事故人
生天地之間命有遭際時有不泰吉凶悔吝苦樂安危喜怒
愛憎存亡憂畏關心之慮日有千條謀身之道時生萬計乃
度一日是故天無一歲不寒暑人無一日不憂喜故有天行
溫疫病者即天地變化之一氣也斯蓋造化必然之理不得
無之故聖人雖有補天立極之德而不能廢之雖不能廢之
而能以道御之其次有賢人善於攝生能知搏節與時推移
亦得保全天地有斯瘴癘還以天地所生之物以防備之命
曰知方則病無所侵矣然此病也俗人謂之橫病多不解治
皆云日滿自差以此致枉者天下大半凡始覺不佳即須救
療迄至於病愈湯食競進折其毒勢自然而差必不可令病

氣自在恣意攻人拱手待斃斯為誤矣今博採群經以為上下兩卷廣設備擬好養生者可得詳焉

小品曰古今相傳稱傷寒為難治之疾時行溫疫是毒病之氣而論治者不判傷寒與時行溫疫為異氣耳云傷寒是雅士之辭天行溫疫是田舍間號耳不說病之異同也考之眾經其實殊矣所宜不同方說宜辨是以略述其要經言春氣溫和夏氣暑熱秋氣清涼冬氣冰冽此四時正氣之序也冬時嚴寒萬類深藏君子周密則不傷於寒或觸冒之者乃為傷寒耳其傷於四時之氣皆能為病而以傷寒為毒者以其最為殺厲之氣也中而即病名曰傷寒不即病者其寒毒藏於肌骨中至春變為溫病至夏變為暑病暑病熱極重於溫也是以辛苦之人春夏多溫病熱病者皆由冬時觸冒寒冷之所致非時行之氣也凡時行者是春時應暖而反大寒夏

時應熱而反大冷秋時應涼而反大熱冬時應寒而反大溫此非其時而有其氣是以一歲之中病無長少多相似者此則時行之氣也傷寒之病逐日深淺以施方治今世人得傷寒或始不早治或治不主病或日數久淹困乃告師師苟依方次第而療則不中病皆宜臨時消息制方乃有效耳

華佗曰夫傷寒始得一日在皮當摩膏火灸之即愈若不解者二日在膚可依法針服解肌散發汗汗出即愈若不解至三日在肌復一發汗即愈若不解者止勿復發汗也至四日在骨宜服藜蘆丸微吐之則愈若病困藜蘆丸不能吐者服小豆瓜蒂散吐之則愈也視病尚未醒醒者復一法針之五日在腹六日入胃入胃乃可下也若熱毒在外未入於胃而先下之者其熱乘虛入胃即爛胃也然熱入胃要須下去之不可留於胃中也胃若實熱為病三死一生皆不愈胃虛熱

入爛胃也其熱微者赤斑出此候五死一生劇者黑斑出者此候十死一生但論人有強弱病有難易得效相倍也得病無熱但狂言煩躁不安精彩言語不與人相主當者勿以火迫之但以猪苓散一方寸匕服之當逼與新汲水一升若二升強飲之令以指刺喉中吐之病隨手愈若不能吐者勿強與水水停則結心下也當更以餘藥吐之皆令相主不爾更致危矣若此病輩不時以猪苓散吐解之者其死殆速耳亦可先以去毒物及法針之尤佳夫飲膈實者此皆難治此三死一生也病者過日不以時下則熱不得泄亦胃爛斑出春夏無大吐下秋冬無大發汗發汗法冬及始春大寒時宜服神丹丸亦可摩膏火灸若春末及夏月始秋此熱月不宜火灸及重覆宜服六物青散若崔文行度瘴散赤散雪煎亦善若無丸散及煎者但單煮柴胡數兩傷寒時行亦可服以發

汗至再三發汗不解當與湯實者轉下之其脉朝夕駛者為
澀實也朝平夕駛者非澀也轉下湯為可早與但當少與勿
令大下耳少與當數其間也諸虛煩熱者與傷寒相似然不
惡寒身不疼痛故知非傷寒也不可發汗頭不痛脉不緊數
故知非裏實不可下也如此內外皆不可攻而強攻之必遂
損竭多死難全也此虛煩但當與竹葉湯若嘔者與橘皮湯
一劑不愈為可重與也此法數用甚有效驗傷寒後虛煩亦
宜服此湯

王叔和曰夫陽盛陰虛

外臺作表
和裏病

汗之則死下之則愈陽虛陰

盛

外臺作裏
和表病

下之則死汗之則愈夫如是則神丹安可以誤發

甘遂何可以妄攻虛盛之治

外臺作表
裏之治

相背千里吉凶之機應

若影響然則桂枝下咽陽盛則斃

外臺作表
和則斃

承氣入胃陰盛以

亡

外臺作裏
平以亡

若此陰陽虛實之交錯其候至微發汗吐下之相

反其禍至速而醫術淺狹不知不識病者殞沒自謂其分至
令冤魂塞於冥路天死盈於曠野仁愛鑒茲能不傷楚夫傷
寒病者起自風寒入於腠理與精氣分爭榮衛否隔周行不
通病一日至二日氣在孔竅皮膚之間故病者頭痛惡寒腰
背強重此邪氣在表發汗則愈三日以上氣浮在上部填塞
胷心故頭痛胷中滿當吐之則愈五日以上氣沈結在藏故
腹脹身重骨節煩疼當下之則愈明當消息病之狀候不可
亂投湯藥虛其胃氣也經言脉微不可吐虛細不可下又夏
月亦不可下也此醫之大禁也脉有沈浮轉能變化或人得
病數日方以告醫雖云初覺視病已積日在身其疹瘵結成
非復發汗解肌所除當診其脉隨時形勢救解求免也不可
苟以次第爲固失其機要乃致禍矣此傷寒次第病三日以
內發汗者謂當風解衣夜臥失覆寒溫所中并時有疾疫賊

風之氣而相染易爲惡邪所中也至於人自飲食生冷過多
腹藏不消轉動稍難頭痛身溫其脉實大者便可吐下之不
可發汗也

陳廩丘云或問得病連服湯藥發汗汗不出如之何荅曰醫
經云連發汗汗不出者死病也吾思之可蒸之如蒸中風法
熱濕之氣於外迎之不得不汗出也後以問張苗苗云曾有
人作事疲極汗出卧單簟中冷得病但苦寒倦諸醫與丸散
湯四日之內凡八過發汗汗不出苗令燒地布桃葉蒸之即
得大汗於被中就粉傅身使極燥乃起便愈後數以此發汗
汗皆出也人性自有難汗者非惟病使其然也蒸之則無不
汗出也諸病發熱惡寒脉浮洪者便宜發汗溫粉粉之勿令
遇風當發汗而其人適失血及大下利則不可大汗也數方
與桂枝湯使體潤皦皦汗出連日當自解也

論曰凡人有少苦似不如平常即須早道若隱忍不治異望
自差須臾之間以成固疾小兒女子益以滋甚若時氣不和
當自戒勒若小有不和即須治療尋其邪由及在腠理以時
早治鮮不愈者患人忍之數日乃說邪氣入藏則難可制止
雖和緩亦無能爲也癰疽疔腫喉痺客忤尤爲其急此自養
生之要也凡作湯藥不可避晨夜時日吉凶覺病須臾即宜
便治不等早晚則易愈矣服藥當如方法若縱意違師不須
治之也凡傷寒多從風寒得之始表中風寒入裏則不消矣
未有溫覆而當不消也凡得時氣病五六日而渴欲飲水飲
不能多不當與也所以爾者腹中熱尚少不能消之便更爲
人作病矣若至七八日大渴欲飲水者猶當依證而與之與
之勿令極意也言能飲一斗者與五升若飲而腹滿小便澀
若喘若噦不可與之忽然大汗出者欲自愈也人得病能飲

水欲愈也

凡温病可針刺五十九穴又身之穴六百五十有五其三十
六穴灸之有害七十九穴刺之為災

論曰夫尋方學之要以救速為貴是以養生之家常須預合
成熟藥以備倉卒之急今具之如左

辟温第二

方三十六首
濕鬻病證一條

辟疫氣令人不染温病及傷寒歲旦屠蘇酒方

大黃銖十五

白朮銖十八

桔梗

蜀椒

各十銖

桂心銖十八

烏頭銖六

菝葜銖十二

一方有防風

兩一

右七味咬咀絳袋盛以十二月晦日中懸沈井中令至

泥正月朔日平曉出藥置酒中煎數沸於東向戶中飲之

屠蘇之飲先從小起多少自在一人飲一家無疫一家飲

一里無疫飲藥酒得三朝還滓置井中能仍歲飲可世無

病當家內外有井皆悉著藥辟温氣也

辟温氣太一流金散方

雄黃兩三

雌黃兩二

礬石兩半

鬼箭羽兩半

羖羊角兩二
燒

右五味治下篩三角絳袋盛一兩帶心前并掛門戶上若逢大疫之年以月旦青布裏一刀圭中庭燒之温病人亦

燒熏之

辟温氣雄黃散方

雄黃兩五

朱砂一作赤末

菖蒲

鬼臼各二

右四味治下篩以塗五心額上鼻人中及耳門

天氣不和疾疫流行預備一物柏枝散方

取南向社中柏東南枝暴令乾擣末酒服方寸匕神良

辟温病粉身散常用方

芎藭

白芷

藁本

各等分

右三味治下篩內米粉中以粉身

辟温氣殺鬼燒藥方

雄黃

丹砂

雌黃

各一

羚羊角

殺羊角亦得

蕪荑

虎骨

鬼臼

鬼箭羽

野丈人

石長生

猴猪屎

馬懸蹄

各三兩

青羊脂

菖蒲

白朮

各八兩

蜜蠟

八兩

右十六味末之以蜜蠟和為丸如彈許大朝暮及夜中戶

前微火燒之

辟温虎頭殺鬼丸方

虎頭

兩五

朱砂

雄黃

雌黃

各一兩半

鬼臼

皂莢

蕪荑

各一兩

右七味末之以蜜蠟和為丸如彈子大絳袋盛繫臂男左

女右及懸屋四角晦望夜半中庭燒一九

辟温殺鬼丸熏百鬼惡氣方

雄黃

雌黃各二兩

殺羊角

虎骨各七兩

龍骨

龜甲

鮫鯉甲

蝟皮各三兩

樗雞十五枚

空青一兩

芎藭

真朱各五兩

東門上雞頭一枚

右十三味末之烱蠟二十兩併手丸如梧子正旦門戶前
燒一九帶一九男左女右辟百惡獨宿弔喪問病各吞一
丸小豆大天陰大霧日燒一九於戶牖前佳

漢建寧二年太歲在酉疫氣流行死者極衆即有書生丁季
迴從蜀青城山來東過南陽從西市門入見患疫癘者頗多
遂於囊中出藥人各惠之一丸靈藥霑唇疾無不差市中疫
鬼數百千餘見書生施藥悉皆驚怖而走乃有鬼王見書生

謂有道法兼自施藥感眾鬼等奔走若是遂詣書生欲求受
其道法書生曰吾無道法乃囊中之藥呈於鬼王鬼王覩藥
驚惶叩頭乞命而走此方藥帶之入山能辟虎狼蟲蛇入水
能除水怪蛟蜃雄黃丸方

雄黃

雌黃

曾青

鬼臼

眞珠

丹砂

虎頭骨

桔梗

白朮

女青

芎藭

白芷

鬼督郵

蕪荑

鬼箭羽

藜蘆

菖蒲

皂莢

各一兩

右十八味末之蜜丸如彈子大絹袋盛男左女右帶之卒
中惡及時疫吞如梧子一九燒一彈丸戶內
赤散辟温疫氣傷寒熱病方

藜蘆

躑躅花

各一兩

附子

桂心

真朱

各六銖

細辛

乾薑

各八銖

牡丹皮

皂莢

各一兩六銖

右九味末之內真朱合治之分一方寸匕置絳囊中帶之
男左女右著臂自隨覺有病之時便以粟米大內著鼻中
又酒服一錢匕覆取汗日三服當取一過汗耳

又方

正月旦取東行桑根大如指長七寸以丹塗之懸門戶上
又令人帶之

斷温病令不相染著方

汲水瓶綆長七寸盜著病人卧席下良

又方 以繩度所住戶中壁屈繩即斷之

治温令不相染方

桃樹蠹屎末之水服方寸匕

又方 木鼓等分酒漬服之妙

又方 正旦吞麻子赤小豆各二七枚又以二七枚投井中

又方 新布袋盛大豆一升內井中一宿出服七枚

又方 新布袋盛赤小豆內井中三日出舉家服二七枚

又方 松葉末之酒服方寸匕日三服

又方 常以七月七日合家吞赤小豆向日吞二七枚

又方 常以七月七日男吞大豆七枚女吞小豆二七枚

又方

神仙教人立春後有庚子日温蕪菁菹汁合家大小並服不限多少

斷温疫轉相染著乃至滅門延及外人無收視者方

赤小豆 鬼箭羽 鬼臼 丹砂 雄黃各二兩

右五味末之以蜜和服如小豆丸可與病人同牀傳衣

治疫病方

藥子二枚末水服之

又方

白蜜和上色朱砂粉一兩常以太歲日平旦大小勿食向
東方立吞服三七丸如麻子大勿令齒近之并吞赤小豆
七枚投井泉中終身勿忘此法

又方

凡時行疫癘常以月望日細剉東引桃枝煮湯浴之

治瘴氣方

蒜五子并皮碎之

豉心并一

右二味以三歲男兒尿二升煮五六沸去滓服之良

又方 青竹筴二升以水四升煮取三升分三服

治患霧氣者心內煩悶少氣頭痛項急起則眼眩欲倒身微

熱戰掉不安時復憎寒心中欲吐吐時無物方

新猪屎二升半內好酒一升攪令散以生布絞取汁更以綿濾頓服之取盡即地鋪暖卧覆蓋鋪前著火當汗出若得汗當細細去上衣勿使心寒寒即不差看汗自乾乃起慎風冷亦治瘧及風勞蠱毒

治肝腑藏温病陰陽毒頸背雙筋牽先寒後熱腰強急縮目中生花方

桂心兩一

白朮

芒消

大青

梔子兩三

柴胡兩五

石膏

生薑兩八

生地黃

香豉兩一

右十味咬咀以水九升煮取三升分三服

治肝腑藏温病陰陽毒先寒後熱頸筋牽攣面目赤黃身中

直強方

玄參

細辛

梔子

黃芩

升麻

芒消

石膏

車前草

竹葉

右九味以咀以水一斗半煮芫葉車前取七升去滓下諸

藥煎至三升下芒消分三服

治心腑藏温病陰陽毒戰掉不定驚馬動方

大青

黃芩

梔子

知母

芒消

麻黃

玄參

石膏

生葛根 生地黄

右十味以咀以水九升煮取三升去滓下芒消分三服

治脾腑藏温病陰陽毒頭重頸直皮肉痺結核隱起方

大青

羚羊角

升麻

射干

芒消

梔子

寒水石

玄參

右八味咬咀以水七升煮取三升分三服

治肺腑藏温病陰陽毒欬嗽連續声不絕嘔逆方

麻黄

枳子

紫苑

大青

玄參

葛根酪三

桂心

甘草酪二

杏仁

前胡酪四

石膏兩八

右十一味咬咀以水九升煮取三升分三服

治肺腑藏温病陰陽毒熱暴氣斑點方

枳子

大青

升麻

芒消酪三

葱鬚酪四

豉升一

石膏

生葛各八兩一作生薑

右八味咬咀以水七升煮取三升下芒消分三服

治腎腑藏温病身面如刺腰中欲折熱毒內傷方

茵陳蒿

枳子

芒消酪三

苦參

生葛各四兩

生地黃

石膏各八兩

葱白

豉升

右九味咬咀以水九升煮取二升半下消分三服

溫風之病脉陰陽俱浮汗出體重其息必喘其形狀不仁嘿

嘿但欲眠下之者則小便難發其汗者必讖言加燒針者則

耳聾難言但吐下之則遺失便利如此疾者宜服萎蕤湯方

萎蕤

白薇

麻黃

獨活

杏仁

芎藭

甘草

青木香兩三

石膏兩三

右九味咬咀以水八升煮取三升去滓分三服取汗若一

寒一熱加朴消一分及大黃三兩下之如無木香可用麝

香一分

小品方云萎蕤湯治冬溫及春月中風傷寒則發熱頭眩痛喉咽乾舌強脊內疼心背痞滿腰背強亦治風溫

夫匿病與百合狐惑濕風溫病鬼魅皆相類宜精察節氣其

新故二氣相搏喜成此疾

傷寒膏第三方三首

治傷寒頭痛項強四肢煩疼青膏方

當歸

芎藭

蜀椒

白芷

吳茱萸

附子

烏頭

莽草

略三兩

右八味㕮咀以醇苦酒漬之再宿以猪脂四斤煎令藥色黃絞去滓以温酒服棗核大三枚日三服取汗不知稍增可服可摩如初得傷寒一日苦頭痛背強宜摩之佳

治傷寒敕色頭痛項強賊風走風黃膏方

大黃

附子

細辛

乾薑

蜀椒

桂心

各半兩

巴豆

五枚

右七味㕮咀以醇苦酒漬一宿以獵月猪脂一斤煎之調適其火三上三下藥成傷寒赤色發熱酒服梧子大一枚又以火摩身數百過兼治賊風絕良風走肌膚追風所在

摩之神效千金不傳此趙泉方也

白膏治傷寒頭痛向火摩身體酒服如杏核一枚温覆取汗
摩身當干過藥力乃行并治惡瘡小兒頭瘡牛領馬鞍皆治
之先以鹽湯洗瘡以布拭之傅膏癰腫火炙摩干過日再自
消者方

天雄

烏頭

莽草

羊躑躅略三

右四味咬咀以苦酒三升漬一夕作東向露甕又作十二
聚濕土各一升許大取成煎猪脂三斤著銅器中加甕上
炊以葦薪令釋內所漬藥炊令沸下著土聚上沸定復上
如是十二過令土盡徧藥成去滓傷寒咽喉痛含如棗核
一枚日三摩時勿令近目

發汗散第四方十首

度瘴發汗青散治傷寒救色惡寒發熱頭痛項強體疼方

麻黃二兩半

桔梗

細辛

吳茱萸

防風

白木略一兩

烏頭

乾薑

蜀椒

桂心各一兩六銖

右十味治下篩温酒服方寸匕温覆取汗汗出止若不得汗汗少不解復服如法若得汗足如故頭痛發熱此為內實當服駛鼓丸若翟氏丸如得便頭重者可以二大豆許內鼻孔中覺燥涕出一日可三四度必愈兼辟時行病五苓散主時行熱病但狂言煩躁不安精彩言語不與人相主當者方

猪苓

白木

茯苓各銖八

桂心銖二

澤瀉銖三十

右五味治下篩水服方寸匕日三多飲水汗出即愈

崔文行解散治時氣不和傷寒發熱者方

桔梗

細辛各四兩

白木各八兩

烏頭各一斤

右四味治下節若中傷寒服錢五匕覆取汗解若不覺復小增之以知為度若時氣不和且服錢五匕辟惡氣欲省病服一服皆酒服

六物青散治傷寒敕色惡寒方

附子

白木各二兩

防風

細辛各二兩

桔梗

烏頭各三兩

右六味治下節以溫酒服錢五匕不知稍增之服後食頃不汗出者進溫粥一盃以發之溫覆汗出熱熱可也勿令流離勿出手足也汗出止若汗大出不止者溫粉粉之微者不須粉不得汗者當更服之得汗而不解者當服神丹

丸方對下篇發汗九門

青散治春傷寒頭痛發熱方

苦參

厚朴

石膏

大黃

細辛各二兩

麻黃兩五

烏頭枚五

右七味治下篩覺傷寒頭痛發熱以白湯半升和藥方寸

匕投湯中熟訖去滓盡服覆取汗汗出溫粉粉之良以一

服不除宜重服之或當微下利者有大黃故也

詔書發汗白薇散治傷寒三日不解者方

白薇銖十二

杏仁

貝母各十枚

麻黃銖八兩

右四味治下篩酒服方寸匕自覆卧汗出即愈

治傷寒頭痛身熱腰背強引頸及風口噤瘡不絕婦人產後

中風寒經氣腹大華佗赤散方

丹砂銖十二

蜀椒

蜀漆

乾薑

細辛

黃芩

防已

桂心

茯苓

人參

沙參

桔梗

女萎

烏頭各十銖

雄黃四銖

吳茱萸三銖

麻黃

代赭各二兩半

右十八味治下篩酒服方寸匕日三耐藥者二匕覆令汗

出欲治瘡先發一時所服藥二匕半以意消息之細辛薑

桂丹砂雄黃不熬餘皆熬之

赤散治傷寒頭痛項強身熱腰脊痛往來有時方

乾薑

防風

沙參

細辛

白朮

人參

蜀椒

茯苓

麻黃

黃芩

代赭

桔梗

吳茱萸各一兩

附子二兩

右十四味治下篩先食酒服一錢匕日三

烏頭赤散治天行疫氣病方

烏頭一兩

皂莢二兩

雄黃

細辛

桔梗

大黃各一兩

右六味治下篩清酒若并華水服一斗圭日二不知稍增以知為度除時氣疫病若牛馬六畜中水行疫亦可與方寸匕人始得病一日時服一斗圭取兩大豆許吹著兩鼻孔中

治時行頭痛壯熱一二日水解散方

桂心

甘草

大黃各二兩

麻黃

四兩

右四味治下篩患者以生熟湯浴訖以煖水服方寸匕日三覆取汗或利便差下強人服二方寸匕延年秘錄有黃芩芍藥各二兩古今錄魚

甘草有芍藥治天行熱病生疱瘡疼痛解肌出汗

治時病表裏大熱欲死方

大黃

寒水石

芒消

石膏

升麻

麻黃

葛根

右八味等分治下篩水服方寸匕日二

發汗湯第五

例一首 桂枝證十三首 方十九首

例曰大法春夏宜發汗凡發汗欲令手足皆周至熱熱然一時間許益佳但不可令如水流離霹靂耳若病不解當更重發汗汗出多則亡陽陽虛不可重發汗也凡服湯藥發汗中病便止不必盡劑也凡云可發汗而無湯者九散亦可用要以汗出為解然不及湯隨證良驗凡病無故自汗出復發其汗愈衛復和故也

夫脈浮者病在外可發汗宜桂枝湯

夫陽脈浮大而數者亦可發汗為宜桂枝湯

病常自汗出者此為榮氣和榮氣和而外不解此為衛氣不和也榮行脈中衛行脈外復發其汗衛和則愈宜桂枝湯病人藏無他病時時發熱自汗出而不愈者此衛氣不和故

也先其時發汗則愈宜桂枝湯

太陽病發熱汗出者此為榮弱衛強故令汗出欲救邪風宜桂枝湯

太陽病頭痛發熱汗出惡風寒宜桂枝湯

太陽病下之微喘者表未解也宜桂枝加厚朴杏人湯

太陽病外證未解者不可下宜桂枝湯

太陽病先發其汗不解而下之其脉浮者不愈浮為在外而

反下之故令不愈今脉浮故在外當須解其表則愈宜桂枝湯

太陽病下之氣上衝者可與桂枝湯不上衝不可與

凡桂枝本為解肌若脉浮緊發熱無汗者勿與之常知此勿

誤也

凡酒客勿與桂枝湯若服必嘔

凡服桂枝湯吐者後必吐膿血也

桂枝湯治中風其脉陽浮而陰弱陽浮者熱自發陰弱者江
自出瀼瀼惡風淅淅惡寒噦噦發熱鼻鳴乾嘔方

桂枝

芍藥

生薑各三兩

甘草二兩

大棗十二枚

右五味㕮咀三物切薑擘棗以水七升煮棗令爛去滓乃
內諸藥水少者益之煮令微沸得三升去滓服一升日三
小兒以意減之初服少多便得汗出者小闊其間不得汗
者小促其間令藥執相及汗出自護如法特須避風病若
重宜夜服若服一劑不解疾證不變者當復服之至有不
肯汗出服兩三劑乃愈服此藥食頃飲熱粥以助藥力

治傷寒頭及腰痛身體骨節疼發熱惡寒不汗而喘麻黃湯方

麻黃三兩

桂心

甘草各一兩

杏仁七十枚喘不甚用五十枚

右四味㕮咀以水九升煮麻黃減二升去沫內諸藥煮取

千金方九
二升半絞去滓服八合覆令汗

大青龍湯治中風傷寒脉浮緊發熱惡寒身體疼痛汗不出而煩躁方

麻黃兩六

桂心

甘草兩二

石膏如雞子一枚碎

生薑兩三

杏仁枚四十

大棗枚十二

右七味以水九升煮麻黃去沫乃內諸藥煮取三升分服一升厚覆當大汗出溫粉粉之即止不可再服服之則筋惕肉瞤此為逆也不汗乃再服

陽毒湯治傷寒一二日便成陽毒或服藥吐下之後變成陽毒身重腰背痛煩悶不安狂言或走或見鬼或吐血下痢其脉浮大數面赤斑斑如錦文咽喉痛唾膿血五日可治至七日不可治宜服升麻湯方

升麻

甘草各半兩

當歸

蜀椒

雄黃 挂心 銘六

右六味以水五升煮取二升半分三服如人行五里
進一服溫覆手足毒出則汗汗出則解不解重作服之得

吐亦佳

仲景無桂心有龍甲手大一片肘後與千金
同古今錄驗有梳子六銖龍甲如手一片

陰毒湯治傷寒初病一二日便結成陰毒或服藥六七日已
上至十日變成陰毒身重背強腹中絞痛咽喉不利毒氣攻
心心下堅強短氣不得息嘔逆唇青面黑四肢厥冷其脉沈
細緊數仲景云此陰毒之候身如被打五六日可治至七日
不可治也甘草湯方

甘草

升麻 各半兩

當歸

蜀椒 各六銖

龍甲 兩一

右五味以水五升煮取二升半分三服如人行五里
頃更進一服溫覆取汗毒當從汗出汗出則愈若不汗則

不除重作服仲景方去蜀椒

陰旦湯治傷寒肢節疼痛內寒外熱虛煩方

芍藥

甘草各二兩

乾薑

黃芩各三兩

桂心兩四

大棗十五枚

右六味咬咀以水一斗煮取五升去滓溫服一升日三夜再覆令小汗

陽旦湯治傷寒中風脈浮發熱往來汗出惡風頭項強鼻鳴乾嘔桂枝湯主之隨病加減如左

以泉水一斗煮取四升分服一升日三自汗者去桂枝加

附子一枚渴者去桂加栝樓根三兩利者去芍藥桂加乾

薑三累附子一枚炮心下悸者去芍藥加茯苓四兩虛勞

裏急正陽旦主之煎得二升內膠飴半斤為再服若脈浮

緊發熱者不可與之

六物解肌湯治傷寒發熱身體疼痛方

葛根兩四

茯苓兩三

麻黃

牡蠣

生薑兩二

甘草兩一

右六味咬咀以水八升煮取三升分三服再服後得汗汗

通即止

古今錄驗無生薑甘草

解肌湯治傷寒溫病方

葛根兩四

麻黃兩一

黃芩

芍藥

甘草兩各二

大棗枚二

右六味咬咀水一斗煮取三升飲一升日三服三四日不

解脈浮者宜重服發汗脈沈實者宜以駛鼓丸下之

有桂心一兩

治傷寒時氣溫疫頭痛壯熱脈盛始得一二日者方

丹砂一兩末之以水一斗煮取一升頓服之覆取汗

治疫氣傷寒三日已前不解者方

好豉綿裹

葱白切

小男兒尿升

右三味先熬豉葱令相得則投小便煮取二升分再服徐

徐服之覆令汗神驗

解肌升麻湯治時氣三四日不解方

升麻

芍藥

石膏

麻黃

甘草各一

杏仁各三十

貝齒二枚一作貝母十八銖

右七味咬咀以水三升煮取一升盡服溫覆發汗便愈

葛根龍膽湯治傷寒三四日不差身體煩毒而熱方

葛根兩

龍膽

大青各半

升麻

石膏

萎薹各一

甘草

桂心

芍藥

黃芩

麻黃各二

生薑兩

右十二味咬咀以水一斗煮葛根取八升內餘藥煮取三

升分四服日三夜一

治傷寒四五日頭痛壯熱四肢煩疼不得飲食方

梔子人

黃連

黃蘗

大黃各半兩

好豉升一

葱白七

右六味咬咀以水八升煮上四物六七沸內後葱白豉煮

得三升頓服一升日三服湯訖溫覆令汗出粉之得汗便

止後服勿復取汗不得汗者復服重發此藥無忌特宜老

小神良

治夏月傷寒四肢煩疼發熱其人喜煩嘔逆支滿劇如禍祟
寒熱相搏故令喜煩七物黃連湯方

黃連

茯苓

黃芩各十銖

芍藥

葛根一兩

甘草六銖

小麥三合

右各咬咀以水七升煮取三升冷分三服不能一升者可

稍稍服之湯勢安乃卧藥主毒氣服湯之後背脊中熱及咽
喉痛皆差其明日復煮一劑如法服之服此湯無毒但除
熱下氣安病人小兒服者取三分之一以水四升煮得二
升稍稍服

三七湯治傷寒中風得之三日至七八日不解背脊痛四肢
逆乾嘔水漿不下腹中有宿食不消重下血一日數十行方

茯苓

如雞子大

黃芩

人參略三

栝樓根兩四

芒消

乾地黄略一

大黃

麻黃

寒水石略半

右九味擣篩令相得以散三方寸匕水一升煮令三沸絞
去滓服之日三溫覆汗出即愈病劇與六七匕

五香麻黃湯治傷寒忽發腫或著四肢或在背脊虛腫浮如
吹狀亦著頭面脣口頸項劇者偏著脚脛外如軸大而不痛

不赤著四肢者乃欲不遂悉主之方

麝香兩

薰陸香

雞舌香兩一

沈香

青木香

麻黃

防風

獨活

秦艽

芫花

甘草兩二

白薇

枳實兩二

右十三味㕮咀以水九升煮取三升分三服覆取汗後外

摩防已膏

治傷寒三日外與前藥不差脉勢仍數者陽氣猶在經絡未入藏腑方

桂枝

黃芩

甘草兩二

升麻

葛根

生薑兩三

芍藥兩六

石膏兩八

梔子枚二七

右九味㕮咀以水九升煮取二升七合分二服相去十里

久若前兩服訖即得汗後服即停不得汗更進一服得汗即止不得汗者明日去梔子加麻黃二兩足水二升再依方服

治傷寒雪煎方

麻黃斤

杏仁

四升

大黃

一斤十三兩如金色者

右三味咬咀以雪水五斛四斗漬麻黃於東向竈釜中三宿內大黃攪令調炊以桑薪煮得二斛汁去滓復內釜中擣杏仁內汁中復炊之可餘六七斗汁絞去滓置銅器中又以雪水三斗合煎之攪令調得二斗四升藥成可丸冷凝丸如彈丸有病者以三沸白湯五合研一九入湯中適寒溫服之立汗出若不愈者復服一九密盛藥勿令泄氣

發汗丸第六

方二首

神丹丸治傷寒救瀉惡寒發熱體疼者方

附子

烏頭

各四兩

人參

茯苓

半夏

各五兩

朱砂

兩一

右六味末之蜜丸以真丹為色先食服如大豆二丸生薑湯下日三須更進熱粥二升許重覆汗出止若不得汗汗少不解復服如前法若得汗足應解而不解者當服桂枝湯此藥多毒熱者令飲水寒者溫飲解之治瘧先發服二丸

要略用細辛不用人參別有射罔棗大一枚名赤丸主寒氣厥逆

治傷寒五六日以上不解熱在胃中口噤不能言惟欲飲水為壞傷寒醫所不能治為成死人精魂已竭心下纔溫以杖發其口開灌藥咽中藥得下則愈麥奴丸一曰黑奴丸二曰水解丸方

釜底墨

竈突墨

梁上塵

大黃

麥奴

黃芩

芒消

麻黃

右八味末之蜜丸如彈子大以新汲水五合研一丸破漬

置水中當藥消盡服之病者渴欲飲水極意不問升數欲止復強飲能多飲為善不欲飲水當強飲之服藥須臾當寒寒竟汗出便解若服藥日移五尺許不汗復服如前法不過再三服佳小麥黑勃名麥奴

宜吐第七

例一首
方五首

證五條

例曰大法春宜吐凡服吐藥中病便止不必盡劑也

病如桂枝證頭不痛項不強而脉寸口浮胷中鞅滿氣上衝喉咽不得息者此以內有久痰宜吐之

病胷上諸寒胷中鬱鬱而痛不能食欲得使人按之按之反有涎出下利日十餘行而其人脉遲寸脉微滑者此宜吐之吐之利即止

少陰病飲食入口則吐心中愠愠然欲吐復不能吐者宜吐之宿食在上管宜吐之

病手足逆冷脉乍結者客氣在胃中心下滿而煩飢不能食者以病在胃中宜吐之

病如桂枝證頭不痛項不強寸脉微浮胃中痞堅氣上撞咽喉不得息者此為胃有寒也宜吐之瓜蒂散方

瓜蒂

赤小豆一兩

右二味治下篩取一錢匕香豉一合熟湯七合煮作稀粥去滓取汁和散温頓服之不吐者少少加得快吐乃止張

仲以白湯三合和服

水道散治時氣病煩熱如火狂言妄語欲走方

甘遂兩

白芷兩

右二味治下篩水服方寸匕須臾令病人飲冷水腹滿即

吐之小便當赤

一名濯腸湯此治大急者

藜蘆丸治蕩寒不得吐方

藜蘆

附子各一兩

右二味末之蜜和如藕豆大傷寒不食服二丸不知增之此謂得病一日已上四日已來服藥後日移三丈不吐進熱粥汁發之

治傷寒溫病三四日胃中惡欲令吐者服酒膽方

醇苦酒料

猪膽一具

右二味盡和飲之吐即愈

又方

取比輪錢一百五十七枚以水一斗煮取七升分服汁盡須更復以水五升更煮錢令得一升復以水二升投中合三升出錢飲之當吐毒即愈

宜下第八

例一首 方八首

諸證十二條

例曰大法秋宜下凡下以湯勝丸散也中病便止不必盡劑也

傷寒有熱而小腹滿應小便不利今反利者此爲有血也當須下之宜抵當丸

太陽病身黃脉沈結小腹堅滿小便不利者爲無血也小便自利其人如狂者爲血證諦也屬抵當湯下之

太陽病不解熱結在膀胱其人如狂其血自下即愈其外不解尚未可攻當先解其外外已解但小腹結者可攻之

陽明病脉遲雖汗出不惡寒體必重短氣腹滿而喘有潮熱者此外欲解可攻裏也手足戢然汗出者大便已堅宜承氣湯若汗多而微熱惡寒者爲外未解也桂枝湯主之其熱不潮未可與承氣若腹大滿而不大便者可少與承氣湯微和其胃氣勿令大下

陽明病潮熱大便微堅與承氣湯不堅者不可與之若不大便六七日恐有燥屎欲知之法少與承氣湯腹中轉失氣者

為有燥屎乃可攻之若不轉氣者此為頭堅後澆不可攻之也攻之必脹滿不能食欲飲水者即噦其後發熱者大便必復堅宜與少承氣和不轉氣者慎勿攻之

陽明證其人喜忘者必有畜血所以然者本有久瘀血故令喜忘屎雖堅大便必黑宜抵當湯下之

陽明病發熱汗出者此為越熱不能發黃但頭汗出身無汗劑頸而還小便不利渴引水漿者此為瘀熱在裏身必發黃宜下以茵陳湯

方出弟十卷中

少陰病得之二三日口燥咽乾急下之宜承氣湯

少陰病得之六七日腹滿不大便者急下之宜承氣湯

夫實則讖語虛則鄭聲鄭聲重語也直視讖語喘滿者死下痢者亦死

傷寒四五日脈沈喘滿沈為在裏而反發汗津液越出大便

為難表虛裏實久則讖語

大承氣湯主熱盛腹中有燥屎讖語者方

大黃四兩

厚朴八兩

枳實五枚

芒消五合

右四味以水一斗先煮二物取五升去滓內大黃煎取二升去滓下芒消更煎一兩沸分再服得快利止

抵党丸方

水蛭二十枚

桃仁三十枚

蜚虫二十枚

大黃三兩

右四味末之蜜和合分為四丸以水一升煮一丸取七合頓服之晬時當下血不下更服

抵党湯方

水蛭三十枚

桃仁三十枚

蜚虫二十枚

大黃三兩

右四味以水五升煮取三升去滓服一升不下更服

承氣湯方

枳實五枚

大黃兩四

芒消半斤

甘草兩二

右四味咬咀以水五升煮取二升去滓適寒溫分三服如人行五里進一服取下利為度若不得利盡服之

生地黄湯治傷寒有熱虛羸少氣心下滿胃中有宿食大便不利方

生地黄斤三

大黃兩四

大棗枚二

甘草兩一

芒消合二

右五味合擣令相得蒸五升米下熟絞取汁分再服傷寒七八日不解默默心煩腹中有乾糞譫語大柴胡加萎蕤知母湯方

柴胡斤半

黃芩

芍藥兩三

半夏升半

生薑兩五

大黃

甘草兩各一

人參兩三

萎蕤

知母兩各二

右十味咬咀以水一斗煮取三升去滓服一升日三取下

為效

集驗用枳實四枚不用芍藥

傷寒頭痛壯熱百節疼痛方

柴胡兩四

升麻

黃芩

大青

杏仁各三兩

芍藥

知母

梔子人各四兩

香豉升一

石膏兩八

右十味咬咀以水九升煮取二升七合分温三服若熱盛

加大黃四兩

治傷寒留飲宿食不消駛豉丸方

豆豉升一

巴豆三百枚今用二百枚

杏仁升十

黃芩

黃連

大黃

麻黃兩四

芒消

甘遂各三兩

右九味末之以蜜和丸如大豆服二丸不得下者增之崔氏

云此黃素方

發汗吐下後第九脈證七條灸法一首方十七首

傷寒已解半日許復心煩熱其脈浮數者可更發汗宜桂枝湯凡發汗後飲水者必喘宜慎也

治發汗後表裏虛煩不可攻者但當與竹葉湯方

竹葉把二 人參 甘草各二 半夏半

石膏斤一 麥門冬升一 生薑兩四

右七味以水一斗煮取六升去滓內粳米半升米熟

去之分服一升日三張文仲無生薑

服桂枝湯大汗後脈洪大者與桂枝湯若形如瘧一日再發汗出便解者屬桂枝二麻黃壹湯方

桂枝一兩十銖七銖 麻黃銖十六 芍藥一兩六銖 甘草一兩二銖

杏人枚十六 大棗枚五 生薑一兩六銖

右七味咬咀以水五升煮麻黃再沸去沫內諸藥煮取二升適寒溫分再服取微汗而已

小青龍湯治傷寒表未解心下有水氣乾嘔發熱而欬或渴或痢或噎或小便不利小腹滿或喘者小青龍湯方

桂心兩三

半夏

五味子各半兩

麻黃

甘草

乾薑

芍藥

細辛各三兩

右八味咬咀以水一斗煮麻黃減二升去上沫內諸藥煮取三升分三服相去十里頃復服之若渴者去半夏加栝樓根三兩若微痢去麻黃加堇花如一雞子熬令赤色若噎加附子一枚若小便不利小腹滿者去麻黃加茯苓四兩若喘而去麻黃加杏仁半升數用神効

治傷寒發汗出而喘而無大熱麻黃杏仁石膏甘草湯方

麻黃兩四

杏仁五十枚

石膏半斤

甘草二兩

右四味咬咀以水七升先煮麻黃令減二升內諸藥煎取三升分三服

發汗若下後煩熱胃中空氣逆搶心者梔子湯方

梔子十四枚

香豉四合 綿裹

右二味以水四升煮梔子取二升半內豉煮取一升半分二服溫進一服得快吐止後服

治發汗後腹脹滿厚朴湯方

厚朴八兩

半夏半升

生薑八兩

甘草二兩

人參一兩

右五味咬咀以水一斗煮取三升分三服

太陽病發汗汗出不解其人仍發熱心下悸頭眩身濶動振振欲擗地屬玄武湯方

茯苓

芍藥

生薑各三兩

白朮

二兩

附子枚

右五味㕮咀以水八升煮取二升温服七合

太陽病反下之利遂不止脉促者表未解喘而汗出者葛根

黃連湯方

葛根半

黃芩

黃連各三兩

甘草二兩

右四味㕮咀以水八升先煮葛根減二升内諸藥煮取三升去滓分再服

傷寒發汗吐下後心下逆滿氣上衝肯起即頭眩其脉沈緊發汗則動經身為振搖者茯苓湯方

茯苓四兩

白朮

桂心各三兩

甘草二兩

右四味㕮咀以水六升煮取三升去滓分三服

凡寸口脉浮關上自沈為結肯巢源作沈細

凡傷寒病發於陽而反下之熱入因作結肯

結骨病項亦強如柔瘕狀下之即和宜大陷骨丸方

大黃八兩

芒消

杏仁

葶藶各五

右四味擣篩二物別研杏仁芒消如脂和散取如彈丸大一枚甘遂末一錢匕白蜜二合水一升煮取八合溫頓服之病乃自下如不下更服取下為效

傷寒六七日結骨熱實其脉沉緊心下痛按之正堅宜大陷骨湯

太陽病重發汗而復下之不大便五六日舌上乾而渴日晡所小有潮熱心骨大煩從心下至小腹堅滿而痛不可近宜大陷骨湯方

甘遂末匕

大黃六兩

芒消升

右三味以水六升先煮大黃取二升去滓內芒消一沸內甘遂分再服一服得快利止後服

傷寒中風醫反下之其人下痢日數十行穀不化腹中雷鳴
心下痞堅結滿乾嘔心煩不能得安師見心下痞謂病不盡
復下之其痞益甚此非結熱但以胃中虛客氣上逆使之然
也宜甘草瀉心湯方

甘草兩四

黃芩

乾薑兩各二

黃連兩一

半夏升半

大棗枚十二

右六味以水一斗煮取六升去滓分服一升日三加人

乃參三兩是

治傷寒發汗後胃中不和心下痞堅乾噫食臭脅下有水氣
腹中雷鳴下痢者屬生薑瀉心湯方

生薑兩四

甘草兩三

半夏升半

黃連兩一

乾薑兩一

人參兩三

黃芩兩三

大棗枚十二

右八味以水一斗煮取六升去滓分服一升日三

傷寒吐下後七八日不解結熱在裏表裏俱熱時時惡風大渴舌上乾燥而煩欲飲水數升宜白虎湯方

石膏

升一

知母

兩六

甘草

兩二

粳米

合六

右四味以水一斗煮米熟去滓分服一升日三諸亡血及虛家不可與白虎湯若立夏後至立秋前得用之立秋後不可服春三月尚凜冷亦不可與之與之嘔利腹痛傷寒無大熱而口乾渴心煩背微惡寒宜白虎湯傷寒脉浮發熱無汗其表不解不可與白虎湯渴欲飲水無表證宜白虎湯

若渴欲飲水口燥舌乾者亦宜白虎湯

治傷寒後結熱在內煩渴青箱子丸方

青箱子

兩五

黃芩

苦參

栝樓根

兩各一

黃蘗

兩二

龍膽

黃連

梔子人

兩各三

右八味末之蜜丸先食服如梧子大柒丸日三不知稍加

一本云錫和為丸

傷寒熱病十日已上發汗不解及吐下後諸熱不除及下利不止斑出皆治之大青湯方

大青兩四

甘草

阿膠各二兩

豆豉升一

右四味咬咀以水八升煮取三升去滓煮三沸去豉內阿膠令烊頓服一升日三服欲盡復作常使有餘渴者當飲

但除熱止吐下無毒

深師治勞復肘後有赤石脂三兩胡洽集驗同

治傷寒後不了了朝夕有熱如瘧狀方

知母兩二

麻黃

甘草

芍藥

黃芩

桂心各一兩

右六味咬咀以水七升煮取二升半服五合日三溫覆令

微汗若心煩不得眠其人欲飲水當稍稍飲之令胃中和

則愈

江南諸師秘仲景要方不傳

初得病或先頭痛身寒熱或瀉瀉欲守火或腰背強直面目如飲酒狀此傷寒初得一二日但列火灸心下三處第一處去心下一寸名巨闕第二處去心下二寸名上管第三處去心下三寸名胃管各灸五十壯然或人形大小不同恐寸數有異可繩度隨其長短寸數最佳取繩從心頭骨名鳩尾頭度取臍孔中屈繩取半當繩頭名胃管又中屈半繩更分爲二分從胃管向上度一分即是上管又上度取一分即是巨闕大人可灸五十壯小兒可三壯亦隨其年灸之大小以意斟量也若病者三四日以上宜先灸脊上二十壯以繩度臍正上盡髮際中屈繩斷去半便從髮際入髮中灸繩頭名曰天聰又灸兩顛顛又灸兩風池又灸肝輸百壯餘處各二十

壯又灸大衝三十壯神驗

備急千金要方卷第九

二八二乙

一一一

此方治一切瘡毒

治一切瘡毒

治一切瘡毒

治一切瘡毒

治一切瘡毒

治一切瘡毒

治一切瘡毒

治一切瘡毒

治一切瘡毒

治一切瘡毒

治一切瘡毒

治一切瘡毒

治一切瘡毒

備急千金要方卷第十

傷寒下

朝奉郎守太常少卿充秘閣校理判登聞檢院護軍賜緋魚袋臣林億等校正

傷寒雜治第一

熱毒斑出

嘔噦

攻手足

毒腫喉閉

口苦

口乾

下利

盜汗附

勞復第二

食忌陰陽易理髮附

百合第三

傷寒不發汗變成狐惑第四

傷寒發黃第五

溫瘧第六

溪毒證第七

傷寒雜治第一

論一首 灸法一首

方五十一首

論曰凡除熱解毒無過苦酢之物故多用苦參青箱艾梔子
葶藶苦酒烏梅之屬是其要也夫熱盛非苦酢之物不解也

熱在身中既不時治治之又不用苦酢之藥此如救火不以水也必不可得脫免也又曰今諸療多用辛甘薑桂人參之屬此皆貴價難得常有比行求之轉以失時而苦參青葙葶藶艾之屬所在盡有除熱解毒最良勝於向貴價藥也前後數參並用之得病內熱者不必按藥次也便以青葙苦參艾苦酒療之但稍與促其間無不解也扁鵲曰病在腠理湯熨之所及病在血脉針石之所及病在骨髓無可奈何而凡醫治病或言且待使病成乃頓去之此為妄矣當預約束家中及所部曲具語解此意使有病者知之為要

治溫氣病欲死方

苦參一兩以酒二升煮取一升盡飲之當吐則除諸

毒病服之覆取汗皆愈

張文仲及肘後云治熱毒氣垂死破棺千金湯

治熱病五六日已上苦參湯方

苦參三兩

黃芩二兩

生地黄八兩

右三味咬咀以水八升煎取二升適寒温服一升日再

凝雪湯治時行毒病七八日熱積聚胸中煩亂欲死起死人

搗湯方

芫花一升以水三升煮取一升半漬故布薄膏上不

過三薄熱即除當温煖四肢護厥逆也

治傷寒中風五六日已上但胸中煩乾嘔栝樓湯方

栝樓實一枚

黃芩

甘草各三兩

生薑四兩

大棗十二枚

柴胡一斤

右六味咬咀以水一斗二升煮取五升絞去滓適寒温服

一升日三

治傷寒後嘔噦反胃及乾嘔不下食蘆根飲子方

生蘆根切

青竹筍各一升

粳米二合

生薑三兩

右四味以水七升先煮千里鞋底一隻取五升澄清下藥煮取二升半隨便飲不差重作取差

治傷寒後嘔噦方

通草三兩

生蘆根物一

橘皮兩一

粳米三合

右四味以水五升煮取二升隨便稍飲不差更作取差止

治傷寒後虛羸少氣嘔吐方

石膏升

竹葉把二

麥門冬升一

人參兩二

半夏升一

右五味以水一斗煮取六升去滓內粳米一升米熟湯成飲一升日三服一方加生薑五兩此方正是仲景竹葉湯方前卷汗後門中

已有此方仍少甘草分兩小別

治毒熱攻手足赤腫焮熱疼痛欲脫方

煮馬屎若羊屎汁漬之日三度

又方

猪膏和羊屎塗之亦佳

又方

濃煮虎杖根適寒温以漬手足令至踝上一尺止

又方

取酒煮苦參以漬之

又方

稻穰灰汁漬之

又方

取常思草絞取汁以漬之一名艾君耳

漏蘆連翹湯治時行熱毒變作赤色癰疽丹軫毒腫及眼赤痛生鄣翳方

漏蘆 連翹 黃芩 麻黃 白斂 升麻

甘草略二

枳實

大黃

略三

右九味咬咀以水九升煮取三升分三服相去五里久更服熱盛者可加芒消二兩

治傷寒五六日斑出猪膽湯方

猪膽

苦酒略三

雞子

一枚

右三味合煎三沸強人盡服之羸人須煎六七沸分為二服汗出即愈

治人及六畜時氣熱病豌豆瘡方

濃煮黍穰汁洗之一莖是稌穰即不差瘡若黑者擣

蒜封之

又方

煮芒葶薑洗之

治熱病後發豌豆瘡方

黃連三兩以水二升煮取八合頓服之

又方

真波斯青黛大如棗水服之差

又方

青木香二兩以水三升煮取一升頓服之

又方

若赤黑發如疥大

一作疾

者煎羊脂摩傅之

又方

小豆屑雞子白和傅

又方

婦人月水帛拭之

又方

小兒著取月水汁和水浴之

治瘡出煩疼者木香湯方

青木香兩二 薰陸香 丁香 礬石略一 麝香兩半

右五味咬咀以水四升煮取一升半分再服熱毒成罌者加犀角一兩無犀角以升麻代病輕者去礬石神驗

又方

瘡上與芒消和猪膽塗勿動加落無痕仍卧黃土末上良此病小便澀有血者內壞瘡皆黑厭不出膿者死不治也

治內發瘡盛方

酢四 大猪膽具一

右二味合煎三沸服一合日五服之良驗

治豌豆瘡初發覺欲作者方

煮大黃五兩服之愈

治時行病發瘡方

取好蜜徧身摩瘡上亦可以蜜煎升麻摩之并數數食之

熱病後發腕豆瘡灸兩手腕研子骨尖上三壯男左女右

治傷寒鼻衄肺間有餘熱故也熱因血自上不止用此方

牡蠣半一兩

石膏六銖一兩

右二味治下節酒服方寸匕日三四亦可蜜丸服如梧子

大用治大病差後小勞便鼻衄

治傷寒熱病喉中痛閉塞不通方

生烏扇一斤

猪脂斤

右二味合煎藥成去滓取如半雞子薄綿裹之內喉中稍

稍咽之取差

又方

升麻

兩三

通草

兩四

射干

兩二

芍藥

羚羊角

兩各三

生蘆根

物一

右六味以水七升煮取二升半分三服

治熱病口中苦下氣除熱喉中鳴煎方

石膏

升半

蜜

升一

右二味以水三升煮石膏取二升乃內蜜復煎取如錫含

如棗核盡復合足大良

治傷寒熱病後口乾喜唾咽痛方

大棗

枚二十

烏梅

枚十

右二味合搗蜜和含如杏核大咽其汁甚驗

傷寒服湯藥而下利不止心下痞堅服瀉心湯竟復以他藥

下之利不止醫者以理中與之而利益甚理中治中焦此利在

下焦赤石脂禹餘糧湯主之方

赤石脂 禹餘糧 各一斤碎

右二味以水六升煮取二升分三服若不止當利小便

治傷寒後下利膿血方

阿膠 兩一 黃蘗 兩二 黃連 兩四 梔子 人枚四

右四味以水六升煮取二升去滓內阿膠更煎令消

分為三服 甲乙方无黃蘗有黃芩

治赤白下膿小兒得之三日皆死此有匿虫垂在下部方

麝香 礬石 巴豆 附子 真珠 雄黃

右六味等分治合取桑條如箭幹長三寸以綿纏頭二寸

唾濡綿展取藥著綿上內穀道中半日復易之日再神效

治傷寒六七日其人大下後脉沈遲手足厥逆下部脉不至

咽喉不利唾膿血泄利不止為難治麻黃升麻湯方

麻黃 知母 萎蕤 一作昌蒲 黃芩 各三兩 升麻

芍藥 當歸 乾薑

石膏

茯苓

白朮 桂心 甘草

麥門冬酪二

右十四味咬咀以水一斗先煮麻黃減二升去上沫內諸藥煮取三升分服一升微取汗愈

治溫毒及傷寒內虛外熱攻胃下黃赤汁及爛肉汁赤滯下伏氣腹痛諸熱毒方

梔子二十枚

豉升

薤白握

右三味以水四升煮梔子薤白令熟內豉煮取二升半分三服頻服取差

治病後虛腫方

豉五升醇酒一斗煮三沸及熱頓服不耐酒者隨性

覆取汗

治汗不止方

地黃三斤切以水一斗煮取三升分三服

又方

白朮葉作飲飲之

又方

白朮方寸匕以飲服之

治卒得汗不止方

溫酒服牛羊脂

又方

服尿亦止

治盜汗及汗無時方

韭根四十九枚水二升煮一升頓服

又方

豉一升以酒二升漬三日服不差更合服不過三劑止

又方

死人席緣灰煮汁洗身差

止汗方

杜仲 牡蠣等

右二味治下篩夜卧以水服五錢匕

又方

麻黃根 牡蠣 雷丸各三 乾薑 甘草各一

米粉升

右六味治下篩隨汗處粉之

牡蠣散治卧即盜汗風虛頭痛方

牡蠣 白朮 防風各三兩

右三味治下篩酒服方寸匕日二止汗之驗無出於此方

一切泄汗服之三日皆愈神驗

勞復第二論 二首 十一首 食忌九條

論曰凡熱病新差及大病之後食猪肉及羊血肥魚油膩等必當大下利醫所不能治也必至於死若食餅餌菜黍飽脯鱸炙棗栗諸果物脯脩及堅實難消之物胃氣尚虛弱不能消化必更結熱適以藥下之則胃氣虛冷大利難禁不下之必死下之復危皆難救也熱病及大病之後多坐此死不可不慎也

病新差後但得食糜粥寧少食令飢慎勿飽不得他有所食雖思之勿與之也引日轉久可漸食羊肉白糜若羹汁雉兔鹿肉不可食猪狗肉也新差後當靜卧慎勿早起梳頭洗面非但體勞亦不可多言語用心使意勞煩凡此皆令人勞復故督郵顧子獻得病已差未健詣華粵視脉曰雖差尚虛未得復陽氣不足慎勿勞事餘勞尚可女勞則死當吐舌數寸

其婦聞其夫差從百餘里來省之經宿交接中間三日發熱口噤臨死舌出數寸而死病新差未滿百日氣力未平復而以房室者略無不死有士蓋正者疾愈後六十日已能行射獵以房室則吐涎而死及熱病房室名爲陰陽易之病皆難治多死近者有一士大夫小得傷寒差以十餘日能乘馬行來自謂平復以房室即小腹急痛手足拘拳而死

時病差後未滿五日食一切肉麪者病更發大困

時病差後新起飲酒及韭菜病更復

時病新差食生魚鮓下利必不止

時病新差食生菜令顏色終身不平復

時病新汗解飲冷水者損心包令人虛不復

時病新差食生棗及羊肉者必膈上作熱蒸

時病新差食大羊等肉者作骨中蒸熱

時疾新差食魚肉與瓜生菜令人身熱
時疾新差食蒜鱠者病發必致大困

黃龍湯治傷寒差後更頭痛壯熱煩悶方神效

柴胡斤一 半夏升半 黃芩兩三 人參

甘草各二兩 生薑四兩 大棗十二枚

右七味以水一斗煮取五升去滓服五合日三不嘔

而渴者去半夏加栝蒌根四兩

補大病後不足虛勞方萬病虛勞同用

取七歲已下五歲已上黃牛新生者乳一升以水四升煎

取一升如人體溫稍稍飲之不得過多十日服不絕為佳

治傷寒溫病後勞復或食或飲或動作方

梔子人枚三七 石膏五兩 鼠屎尖頭大者

香鼓升一

右四味咬咀以水七升煮取三升分三服

治病後勞復或因洗手足或梳頭或食等勞復方

取洗手足汁飲一合又取頭中垢如棗核大吞一枚

枳實梔子湯治大病差後勞復者方

枳實三枚

梔子十四枚

鼓綿裹

右三味咬咀以酢漿七升先煎減三升次內枳實梔子煮取二升次內鼓煮五六沸去滓分再服覆取汗如有宿食者內大黃如博碁子五六枚

治病新差遇美飲食過多食復者方

取所食餘燒作末飲調服二錢匕日三服

治新差早起及食多勞復方

鼓五合

鼠屎二十一枚

右二味以水二升煮取一升盡服之溫卧令小汗愈崔氏加

子七枚尤良肘後有麻子心內一升加水一升亦可內枳實三枚葱白一虎口

治重病新差早起勞及飲食多致復欲死方

燒鼈甲末服方寸匕

治食大飽不消勞復脉實者方

豉升

鼠屎二枚

梔子七枚

大黃

兩三

右四味咬咀以水六升煮取二升分三服微取汗應小鴨澹者止不澹者復作

治勞復垂死方

煖湯三合洗四五歲女子陰取汁內口中服即愈小

男兒亦得

治勞復起死人麥門冬湯氣欲絕用有效方

麥門冬兩

京棗枚二十

竹葉物一

甘草

兩二

右四味咬咀以水七升煮粳米一升令熟去米內諸藥煎

取三分分三服不能服者綿滴湯口中

治食勞方

麴一升煮取汁服之

又方

杏人五十枚以酢二升煎取一升服之取汗

又方

燒人屎灰水服方寸匕

欲令病人不復方

燒頭垢如梧子大服之

治傷寒差後一年心下停水不能食方

生地黄伍 白朮斤 好麴斤二

右三味合擣相得暴乾下篩酒服方寸匕日三加至二匕

論曰婦人溫病雖差未苦平復血脈未和尚有熱毒而與之

交接得病者名爲陰易之病其人身體重熱上衝冑頭重不能舉眼中生眵眦四肢^膝拘急小腹絞痛手足拳皆即死其亦有不即死者病苦少腹裏急熱上衝冑頭重不欲舉百節解離經脉緩弱血氣虛骨髓竭便噓噓吸吸氣力轉少著牀不能動搖起止仰人或引歲月方死醫者張苗說有婢得病差後數十日有六人姦之皆死

婦人得病易丈夫丈夫得病亦易婦人治之方

取女人中裊近隱處燒服方寸匕日三小便即利陰頭微腫此爲愈矣女人病可取男裊一如此法

治交接勞復陰卵腫縮腹中絞痛便欲死方

取所交接婦人衣裳以覆男子立愈

令病人不復方

取女人手足爪二十枚女人中衣帶一尺燒以酒若

米飲汁服

治男子新病起近房內復者方

取女人月經赤帛燒服方寸匕亦治陰疝腫縮入腹絞痛欲死

治病後頭亂不可理通頭法

生麻油二升將頭髮解開安銅沙羅中用油淹漬之細細將釵子領髮斯須並自通

百合第三 論二首 方七首

論曰百合病者謂無經絡百脉一宗悉致病也皆因傷寒虛勞大病已後不平復變成斯病其狀惡寒而嘔者病在上焦也二十三日當愈其狀腹滿微喘大便堅三四日一大便時復小澹者病在中焦也六十三日當愈其狀小便淋瀝難者病在下焦也三十三日當愈各隨其證以治之百合之為病

令人意欲食復不能食或有美時或有不用聞飲食臭時如有寒其實無寒如有熱其實無熱常默默欲卧復不得眠至朝口苦小便赤澀欲行復不能行諸藥不能治治之即劇吐利如有神靈所為也百合病身形如和其脉微數其候每瀉時即頭覺痛者六十日乃愈百合病候之瀉時頭不覺痛淅然寒者四十日愈百合病候之瀉時覺快然但覺頭眩者二十日愈百合病證其人或未病而預見其候者或已病四五日而出或病一月二十日後見其候者治之喜誤也依證治之

論曰百合病見在於陰而攻其陽則陰不得解也復發其汗為逆也見在於陽而攻其陰則陽不得解也復下之其病不

愈

要略云見於陰者以陽法救之見於陽者以陰法解之見陽攻陰復發其汗此為逆其病難治見陰攻陽乃復下之此亦為逆其病難治

治百合病已經發汗之後更發者百合知母湯方

百合七枚

知母兩三

右二味以泉水先洗漬百合一宿當沫出水中明旦去水取百合更以泉水二升煮百合取一升汁置之復取知母切以泉水二升煮取一升汁合和百合汁中復煮取一升半分再服不差更依法合服

治百合病已經下之後更發者百合滑石代赭湯方

百合七枚

滑石兩三

代赭兩一

右三味先以泉水漬百合一宿去汁乃以水二升煮百合取一升去滓又以水二升煮二物取一升內百合汁如前法復煎取一升半分再服

治百合病已經吐之後更發者百合雞子湯方

百合七枚擘浸一宿去汁以泉水二升煮取一升取

雞子黃一枚內汁中攪令調分再服

治百合病始不經發汗吐下其病如初者百合地黃湯方

百合七枚擘浸一宿去汁以泉水二升煮取一升內

生地黃汁二升復煎取一升半分再服大便當去惡

沫為候也

治百合病經月不解變成渴者方

百合根一升以水一斗漬之一宿以汁先洗病人身

也洗身後食白湯餅勿與鹽豉也渴不差可用栝樓

根并牡蠣等分為散飲服方寸匕日三

治百合病變而發熱者方

百合根乾兩滑石兩三

右二味治下節飲服方寸匕日三當微利利者止勿復服

熱即除一本云治百合病小便赤澀臍下堅急

治百合病變腹中滿痛者方

但取百合根隨多少熬令黃色搗篩為散飲服方寸
七日三滿消痛止

傷寒不發汗變成狐惑病第四論一首

論曰狐惑之病其氣如傷寒嘿嘿欲眠目不得閉起卧不安
其毒在喉咽為惑病在陰肛者為狐病狐惑之病並惡食飲
不欲食聞食臭其面目翕赤翕白翕黑毒食於上者則聲喝
也一作毒食下部者則乾咽也此由溫毒氣所為食於上者
瀉心湯主之食於下者苦參湯淹洗之食於肛外者熏之并
用雄黃三片稍置瓦餅中炭火燒向肛熏之并服湯也

治狐惑湯方

黃連

黃連各四

右二味咬咀白酢漿一斗漬之一宿煮取二升分為三服
其人脉數無熱微煩嘿嘿但欲卧汗出初得之三四日眼赤

如鳩眼得之七八日其四眚黃黑能食者膿已成也赤小豆當歸散主之方

以赤小豆三升漬之令生牙足乃復乾之加當歸三兩為末漿水服方寸七日三即愈

其病形不可攻不可灸因火為邪血散脉中傷脉尚可傷藏則劇并輸益腫黃汁出經口外爛肉腐為癰膿此為火疽醫所傷也夫脉數者不可灸因火為邪即為煩因虛逐實血走脉中火氣雖微內攻有力焦骨傷筋血難復也應在瀉心瀉心湯兼治下痢不止腹中幅堅而嘔吐腸鳴者方

半夏升半 黃芩 人參 乾薑各三兩 黃連兩一

甘草兩三 大棗枚十二

右七味以水一斗煮取六升分服一升日三仲夏瀉

心要略用
甘草瀉心

傷寒發黃第五

論一首

方三十四首

證五條

灸圖三首

論曰黃有五種有黃汗黃疸穀疸酒疸女勞疸黃汗者身體四肢微腫胃滿不渴汗出如黃蘗汁良由大汗出卒入水中所致黃疸者一身面目悉黃如橘由暴得熱以冷水洗之熱因留胃中食生黃瓜熏上所致若成黑疸者多死穀疸者食畢頭眩心忪怫鬱不安而發黃由失飢大食胃氣衝熏所致酒疸者心中懊痛足脛滿小便黃面發赤斑黃黑由大醉當風入水所致女勞疸者身目皆黃發熱惡寒小腹滿急小便難由大勞大熱而交接竟入水所致但依後方治之黃汗之為病身體洪腫發熱汗出不渴狀如風水汗染衣色正黃如蘗汁其脉自沉從何得之此病以汗出入水中浴水從汗孔入得之

治黃汗黃老烏藥桂苦酒湯方

黃耆目五兩

芍藥三兩

桂心三兩

右三味㕮咀以苦酒一升水七升合煎取三升飲二升當心煩也至六七日稍稍自除心煩者苦酒阻故也

黃疸之病疸而渴者其病難治疸而不渴其病可治發於陰部其人必嘔發於陽部其人振寒而微熱

諸病黃疸宜利其小便假令脉浮當以汗解宜桂枝加黃耆湯方

桂枝

芍藥各三兩

甘草二兩

生薑三兩

大棗十二枚

黃耆目五兩

右六味㕮咀以水八升微火煎取三升去滓温服一升覆取微汗須臾不汗者飲稀熱粥以助湯若不汗更服湯

治傷寒熱出表發黃疸麻黃淳酒湯方

麻黃三兩以淳酒五升煮取一升半盡服之温覆汗

出即愈冬月寒時用清酒春月宜用水

治黃疸方

瓜蒂 赤小豆 秫米 各二枚

右三味治下篩病重者取如大豆二枚內著臯孔中痛縮

臯須臾當出黃汁或從口中出汁升餘則愈病輕者如一

豆不差間日復用又下里間以筒使人極吹臯中無不死

大慎之 刪繁療天行毒熱通貫藏腑沈伏骨隨之間或為黃疸黑疸赤疸白疸穀疸馬黃等病喘息須臾不絕

治黃疸大黃丸方

大黃 葶藶子 各二兩

右二味末之蜜和丸如梧子未食服十九日三病差止

又方

大黃 二兩 黃連 三兩 黃蘗 一兩 黃芩 一兩 麴衣 五合

右五味末之蜜和丸如梧子先食服三九日三不知加至

五九

茵陳湯主黃疸身體面目盡黃方

茵陳 黃連 各三兩

黃芩 二兩

大黃 甘草

人參 略一

梔子 二七枚

右七味以水一斗煮取三升分三服日三亦治酒疸

酒癖

治黃疸身體面目皆黃三黃散方

大黃 黃連 黃芩 各四兩

右三味治下篩先食服方寸匕日三亦可為丸

五苓散主黃疸利小便方

猪苓 茯苓 澤瀉 白朮 桂心 各三兩

右五味擣篩為散渴時水服方寸匕極飲水即利小便及

汗出愈 此方與第九卷方相重以分兩不同故再出之

秦椒散主黃疸飲少溺多方

秦椒六銖 瓜蒂兩半

右二味治下篩水服方寸匕日三

古今錄驗用治黃瘰

黃疸小便色不異欲自利腹滿而喘者不可除熱熱除必噦噦者小半夏湯主之方

半夏半斤 生薑半斤

右二味咬咀以水七升煮取一升五合分再服有人常積氣結而死其心上暖以此半夏湯少許汁入口遂活

黃疸變成黑疸醫所不能治者方

土瓜根搗汁一小升頓服日一服平朝服至食時病從小便出先須量病人氣力不得多服力衰則起不得

治黃疸方

取生小麥苗搗絞取汁飲六七合晝夜三四飲三四

日便愈無小麥穢麥亦得用

治發黃身面眼悉黃如金色小便如濃者煮藥汁眾醫不能療者方

茵陳 梔子各二兩 黃芩 柴胡 升麻

大黃各三兩

龍膽二兩

右七味咬咀以水八升煮取二升七分合分三服若身躰羸

去大黃加梔子人五六兩生地黄一升延年秘錄無茵陳有梔子四兩栝樓三兩

甚消二兩近効方加枳實二兩夫黃發已以變作桃皮色心下有堅嘔逆不

下飲食小便極赤少四肢逆冷脉深沉極微細遲者不宜

服此方得下必變哕也宜與大茵陳湯除大黃與生地黄黃

五兩服湯盡消息看脉小浮出形小見不甚沉微便可治

也脉浮見者黃當明不復作桃皮色心下自寬也大茵陳湯方出

次後十一味者是

治人無漸忽然振寒發黃皮膚黃麴塵出小便赤少大便時
秘氣力無異食飲不妨已服諸湯散餘熱不除以黃者苦參
散吐下之方

苦參 黃連

瓜蒂 黃蘗

大黃

各一兩

葶藶

二兩

右六味治下篩飲服方寸匕當大吐吐者日一服不吐日
再亦得下服五日知可消息不覺退更服之小折便消息之
滾發黃方

茵陳 黃蘗 梔子

大黃

各二兩

黃連

二兩

右五味以水九升煮取三升分三服先服湯後服丸方

大黃

五兩

茵陳

梔子

各三兩

黃芩

黃蘗

黃連

各二兩

右六味末之以蜜丸白飲服如梧子二十九令得微利

治傷寒瘵熱在裏身躰必發黃麻黃連翹赤小豆湯方

麻黃

連翹

甘草

各二兩

生薑

三兩

大棗

十二枚

杏仁

三十枚

赤小豆

一升

生梓白皮

物二

右八味咬咀以勞水一斗先煮麻黃去沫內諸藥煎取三升分三服

治傷寒七八日內實瘵熱結身黃如橘小便不利腹微脹滿茵陳湯下之方

茵陳

兩六

梔子

十四枚

大黃

兩三

右三味咬咀以水一斗二升煮茵陳得五升去滓內梔子大黃煎取三升分服一升日三小便當利如皂莢沫狀色正赤當腹減黃悉隨小便去也

范汪用療穀疸小品方用石黃膏一斤

黃家腹滿小便不利而赤自汗出此為表和裏實當下之大黃黃蘗梔子芒消湯方

大黃兩三

黃蘗兩四

梔子枚十五

芒消兩四

右四味咬咀以水六升煮取二升去滓內芒消復煎取一升先食頓飲之

治時行病急黃并瘴癘疫氣及瘖瘡茵陳九方

茵陳

梔子

芒消

木只各三兩

巴豆兩一

恒山

鼈甲各二兩

大黃兩五

豉合五

右九味末之以錫為丸飲服三九如梧子以吐利為佳不

知加一九神方初覺躄氣有異急服之即差

治急黃熱氣骨蒸兩目赤脈方

大黃一兩半末

生地黃汁八合

芒消兩一

右三味合和一服五合日二以利為度不須二服

風疸小便或黃或白洒洒寒熱好卧不欲動方

三月生艾

一束擣取汁銅器中煎如漆密封之

大黃

黃連

凝水石 栝樓根 苦參 葶藶銘六

右六味末之以艾煎和先食服如梧子五九日二可至二十九有熱加苦參渴加栝樓小便澀加葶藶小便多加凝水石小便白加黃連大便難加大黃

濕疸之為病始得之一身盡疼發熱面色黑黃七八日後壯熱熱在裏有血當下去之如狫肝狀其小腹滿者急下之亦一身盡黃目黃腹滿小便不利方

礬石 滑石各五兩

右二味治下篩大麥粥汁服方寸匕日三當先食服之便利如血者已當汗出差

寸口脉浮而緩浮則為風緩則為痺痺非中風四肢苦煩脾色必黃瘀熱以行跗陽脉緊而數數則為熱熱則消穀緊則為寒食則滿也尺脉浮為傷腎跗陽脉緊為傷脾風寒相薄

食穀即眩穀氣不消胃中苦濁濁氣下流小便不通陰被其寒熱流膀胱身故盡黃名曰穀疸

治勞疸穀疸丸方

苦參 二兩 龍膽 兩一

右二味末之牛膽和為丸先食以麥粥飲服如梧子五九日

三不知稍加之

刪繁方加梔子人三枚以猪膽和丸

夫酒疸其脉浮者先吐之沈弦者先下之夫人病酒疸者或無熱靖言了了腹滿欲吐嘔者宜吐之方煎苦參散七味者是酒疸必小便不利其候當心中熱足下熱是其證也夫酒疸下之久久為黑疸目青面黑心中如啖蒜齏狀大便正黑皮膚爪之不仁其脉浮弱雖黑微黃故知之

治傷寒飲酒食少飲多痰結發黃酒疸心中懊憹而不甚熱或乾嘔枳實大黃梔子豉湯方

枳實五枚

大黃三兩

豆豉半升

梔子七枚

右四味以水六升煮取二升分三服心中熱疼懊懣皆主之
凝水石散治肉疽飲少小便多如白泔色此病得之從酒

凝水石

白石脂

栝樓根

桂心各三銖

菟絲子

知母各十銖

右六味治下篩麥粥飲服五分匕日三服五日知十日瘥

茯苓圓治心下縱橫堅而小便赤是酒疽者方

茯苓

茵陳

乾薑各一兩

白朮熬

枳實各三銖

半夏

杏仁各十銖

甘遂六銖

蜀椒

當歸各十銖

右十味為末蜜和丸如梧子大空腹服三九日稍稍加

以小便利為度

千金翼加黃連一兩大黃十八銖名茵陳丸治黑疽身體闇黑小便澀

半夏湯治酒癖蔭胷心脹滿骨肉沈重逆害飲食乃至小便

赤黃此根本虛勞風冷飲食衝心由脾胃內痰所致方

半夏汁一

生薑

黃芩

茵陳

當歸兩各一

前胡

枳實

甘草

大戟兩各二

茯苓

白朮兩各三

右十一味以水一斗煮取三升分三服

牛膽圓治酒疸身黃麴塵出方

牛膽枚一

芫花升一

蕘花升半

瓜蒂兩三

大黃兩八

右五味以清酒一斗漬一宿煮減半去滓內牛

膽微火煎令可丸如大豆服一丸日移六七尺不知復服

一丸至八丸膈上吐膈下下或不吐而自愈

大茵陳湯治內實熱盛發黃黃如金色脉浮大滑實緊數者

夫發黃多是酒客勞熱食少胃中熱或溫毒內熱者故黃如

金色方

茵陳

黃蘗

各一兩半

大黃

白朮

各三兩

黃芩

栝樓根

甘草

茯苓

前胡

枳實

各一兩

梔子

二十枚

右十一味㕮咀以水九升煮取三升分三服得快下消息

三四日更治之

茵陳丸治氣淋臏脹腹大身躄面目悉黃及酒疸短氣不得息方

茵陳 梔子

天門冬

各四兩

大黃

桂心

各三兩

通草

石膏

各二兩

半夏

半斤

右八味蒸大黃通草天門冬半夏梔子暴令乾合搗篩蜜

丸服如大豆三九日三忌生魚以豆羹服不得用酒一方

去石膏內滑石二兩不知加至十九

黃家至日晡所發熱而反惡寒此為女勞得之當膀胱急小

腹滿體盡黃額上黑足下熱因作黑疸其腹臏脹而滿如欲

作水狀大便必黑時溏泄此女勞疸非水也腹滿者難治
治女勞疸消石礬石散方

消石 礬石 各半

右二味治下節大麥粥汁服方寸匕日三重衣覆取汗病
隨大小便出小便正黃大便正黑

黃疸之為病日晡所發熱惡寒小腹急身體黃額黑大便溏
黑足下熱此為女勞腹滿者難治治之方

滑石 石膏 各等分

右二味治下節以大麥粥汁服方寸匕日三小便極利則差

針灸黃疸法

正面圖第一 寅門 俠人中 上斷裏 俠承漿 巨關 舌下 脣裏 陰縫 顛顛

寅門穴從鼻頭直入髮際度取通繩分為三斷繩取一分入
髮際當繩頭針是穴治馬黃黃疸等病

上斷裏穴正當人中及脣針三銍治馬黃黃疽等病
上腭穴入口裏邊在上縫赤白脉是針三銍治馬黃黃疽四
時等病

舌下穴俠舌兩邊針治黃疽等病

脣裏穴正當承漿裏邊逼齒斷針三銍治馬黃黃疽寒暑溫
疫等病

顛顛穴在眉眼尾中間上下有來去絡脉是針灸之治四時
寒暑所苦疽氣溫病等

俠人中穴火針治馬黃黃疽疫通身並黃語音已不轉者
俠承漿穴去承漿兩邊各一寸治馬黃黃急疫等病

巨闕穴在心下一寸灸七壯治馬黃黃疽急疫等病
上管穴在心下二寸灸七壯治馬黃黃疽等病

男陰縫穴拔陰反向上灸治馬黃黃疽等病

若女人玉門頭是穴男女針灸無在

覆面圖第二

肝輸

熱府

肺輸

心輸

風府穴在項後入髮際一寸去上骨一寸針之治頭中百病馬

黃黃疸等病

熱府穴在第一節下兩傍相去各一寸五分針灸無在治馬

黃黃疸等病

肺輸穴從大椎數第三椎兩傍相去各一寸五分灸主黃疸

通治百毒病

心輸穴從肺輸數第二椎兩傍相去各一寸五分

肝輸穴從心輸數第四椎兩傍相去各一寸五分

脾輸穴從肝輸數第二椎兩傍相去各一寸五分

腎輸穴從脾輸數第三椎兩傍相去各一寸五分

脚後跟穴在白肉後際針灸隨便治馬黃黃疸寒暑諸毒等病

側面圖第三

耳中
瞬石子頭

頰裏
錢孔

手太陽
太衝

耳中穴在耳門孔上橫梁是針灸之治馬黃黃疸寒暑疫毒等病

頰裏穴從口吻邊入往對頰裏去口一寸針主治馬黃黃疸寒暑溫疫等病頰兩邊同法

手太陽穴手小指端灸隨年壯治黃疸

瞬石子頭穴還取病人手自捉臂從腕中太澤澤作瀦文向上

一夫接白肉際灸七壯治馬黃黃疸等病

錢孔穴度乳至臍中屈肋頭骨是灸百壯治黃疸

太衝穴針灸隨便治馬黃溫疫等病

溫疰第六

論一首方三十四首
襪疰法一首
符二首
灸刺法十九首

論曰夫疰者皆生於風夏傷於暑秋為瘖疰也問曰疰先寒而後熱者何也對曰夫寒者陰氣也風者陽氣也先傷於寒

而後傷於風故先寒而後熱也病以時作名曰寒瘧問曰先
熱而後寒者何也對曰先傷於風而後傷於寒故先熱而後
寒也亦以時作名曰溫瘧其但熱而不寒者陰氣先絕陽氣
獨發則少氣煩寃手足熱而欲嘔名曰瘧瘧問曰夫病溫瘧
與寒瘧而皆安舍舍於何藏對曰溫瘧者得之冬中於風寒
氣藏於骨髓之中至春則陽氣大發邪氣不能自出因遇大
暑腦髓鑠肌肉消腠理發泄因有所用力邪氣與汗皆出此
病邪氣先藏於腎其氣先從內出之於外也如是則陰虛而
陽盛盛則病矣衰則氣復反入則陽虛虛則寒矣故先熱
而後寒名曰溫瘧問曰瘧瘧何如對曰瘧瘧者肺素有熱氣
盛於身厥逆上衝中氣實而不外泄因有所用力腠理開風
寒舍於皮膚之內分肉之間發則陽氣盛陽氣盛而不衰則
病矣其氣不及於陰故但熱而不寒氣內藏於心而外舍於

分肉之間令人消爍脫肉故命曰痺瘡夫瘡之且發也陰陽之且移也必從四末始也陽已傷陰從之故氣未并先其時一食頃用細左索緊束其手足十指令邪氣不得入陰氣不得出過時乃解

夫瘡脉自弦也弦數者多熱弦遲者多寒弦小緊者可下之弦遲者可溫之若脉緊數者可發汗針灸之脉浮大者吐之差脉弦數者風發也以飲食消息止之

瘡歲歲發至三歲或連月發不解者以脅下有痞也治之不得攻其痞但得虛其津液先其時發其汗服湯已先小寒者引衣自覆汗出小便利即愈瘡者病人形瘦皮上必粟起也病瘡以月一日發當以十五日愈設不差當月盡解也今不愈當云何師曰此病結為癰疽名曰瘡毋急當治之鼈甲煎丸方

成死鼈要十三斤治如食法甲三兩 半夏 人參 大戟各

瞿麥 阿膠 紫葳一作紫葳 牡丹皮 石葶 乾薑

大黃 厚朴 桂心 海藻梗消略作 葶藶

羌蠃各對 蜂窠 桃人 芍藥各

烏羽燒一作烏扇 黃芩各十 庶蟲 蚤蟲略作鼠婦

柴胡一兩半

右二十四味末之取鍛竈下灰一斗清酒一斛五斗以酒

漬灰去灰取酒著鼈其中煮鼈盡爛泯泯如漆絞去滓

下諸藥煎為丸如梧子未食服七九日三仲景方無大戟海藻

瘡而發渴者與小柴胡去半夏加栝樓根湯方

柴胡八兩 黃芩 人參 甘草 生薑各三兩

大棗十二枚 栝樓根四兩

右七味咬咀以水一斗二升煮取六升去滓更煎取三升

温服一升日三

牡疰者多寒牡蠣湯主之方

牡蠣 麻黃四兩

蜀漆三兩無以恒山代之

甘草二兩

右四味先洗蜀漆三過去腥以水八升煮蜀漆麻黃得六升去沫乃內餘藥煮取二升飲一升即吐出勿復飲之多寒者牡疰也蜀漆散主之方

蜀漆 雲母 龍骨

右三味等分治下篩先未發一炊頃以酢漿服半錢臨發服一錢温疰者加蜀漆半分雲母取火燒之二日三夜嚙

不用雲母用雲實

有瘡疰者陰氣孤絕陽氣獨發而脉微其候必少氣煩滿手足熱欲嘔但熱而不寒邪氣內藏於心外舍於分肉之間令人消爍脫肉也有温疰者其脉平無寒時病六七日但見熱

也其候骨節疼煩時嘔朝發暮解暮發朝解名温疟白虎加
桂湯主之方

石膏_{斤一} 知母_{兩六} 甘草_{兩二} 粳米_{合六}

右四味咬咀以水一斗二升煮米爛去滓加桂心三兩煎
取三升分三服覆令汗先寒發熱汗出者愈

麻黃湯治疟須發汗方

麻黃 栝樓根 大黃_{兩四} 甘草_{兩一}

右四味咬咀以水七升煮取二升半分三服未發前食頃
一服臨發一服服後皆厚覆取汗

治疟或間日發者或夜發者方

恒山 竹葉_{略二} 秫米_{粒一百} 石膏_兩

右四味咬咀以水八升銅器中漬藥露置星月下高淨處
橫刀其上明日取藥於病人房門以銅器緩火煎取三升

分三服清旦一服未發前一食頃一服臨欲發一服三服
訖靜室中卧莫共人語當一日勿洗手面及漱口勿進食
取過時不發乃澡洗進食并用藥汁塗五心背前頭面藥
滓置頭邊曾用神驗救急方用烏梅二十七枚

又方

先作羊肉臠麪餅飽食之并進少酒隨所能其令欣
欣有酒氣入密室裏燃炭火厚覆取大汗即差

又方

燒黑牛尾頭毛作灰酒服方寸匕日三

恒山丸治瘖瘡說不可具方

恒山 知母 甘草 大黃 各銖 麻黃 兩一

右五味末之蜜和丸未食服五丸如梧子日二不知漸增

以差為度肘後無大黃

梔子湯主瘧經數年不差者兩劑差一月已來一劑差方

梔子樹四 恒山兩三 車前葉紅七枚 秫米粒十四

右四味咬咀以水九升煮取三升分三服未發一服發時

一服發後一服以吐利四五行為差不止冷飯止之

丸方

恒山三兩末之以雞子白和併手丸如梧子置銅椀

中於湯中煮之令熟殺腥氣則止以竹葉飲服二十

丸欲吐但吐至發令得三服時早可斷食時晚不可

斷食可竹葉汁煮糜少食之

治老瘧久不斷者方

恒山兩三 鼈甲 升麻 附子 烏賊骨酪一

右五味咬咀絹袋盛以酒六升漬之小令近火轉之一宿

成一服一合比發可數服或吐下

治瘧無問新久者方

小便半升 蜜三

右二味煮三沸頓服每發日平旦時服自至發勿食重者
漸退不過三服差

又方

鼠尾草 車前子各一

右二味咬咀以水五升煮取二升未發前服盡

又方

馬鞭草汁五合酒三合分三服

又方

服翹搖汁

又方

擣葇荑根燒為灰和水服一合量人大小強弱用之

又方

瓜蒂二七枚擣水漬一宿服之

又方

水服桃花末方寸匕

又方

常以七月上寅日採麻花酒服末方寸匕

又方

故鞋底去兩頭燒作灰并華水服之

治瘡方

鼈甲方 烏賊骨方

附子 甘草各一兩

恒山二兩

右五味咬咀以酒二升半漬之露一宿明日塗五心手足過發時瘡斷若不斷可飲一合許差

蜀棊圓治勞瘡并治積勞寒熱發有時似瘡者方

蜀棊 麥門冬 知母 白薇

地骨皮 升麻各三銖 甘草 鼈甲

烏梅肉 萎蕤各一兩 恒山半兩 石膏二兩

豉合一

右十三味為末蜜和丸如梧子大飲服十九日再服之稍加至二三十丸此神驗無不瘥也加光明砂一兩

烏梅圓治寒熱勞瘡久不瘥形體羸瘦痰結胸堂食飲減少或因行遠久經勞役患之積年不瘥服之神效方

烏梅肉 豆豉各一合 升麻 地骨皮 柴胡 鼈甲

恒山 前胡各一兩 肉苁蓉 玄參 百合 蜀棊

桂心 人參 知母各半兩 桃人十枚

右十六味為末蜜丸空心煎細茶下三十九日二服老少

孩童量力通用無所忌

治勞瘡積時不斷眾治無效者方

生長大牛膝一握切以水六升煮取二升分再服第

一服取未發前食頃第二服取臨發時

大五補湯治時行後變成瘡瘡方

桂心銖三十

遠志

桔梗

芎藭各二

茯苓

乾地黄

芍藥

人參

白朮

當歸

黃耆

甘草各三

竹葉五

大棗二十

生枸杞根

生薑各一

半夏

麥門冬各一

右十八味咬咀以水三斗煮竹葉枸杞取二斗次內諸藥

煎取六升分六服一日一夜令盡

鯪鯉湯治乍寒乍熱乍有乍無山瘡瘡方

鯪鯉甲十四枚

鼈甲

烏賊骨各一

恒山三

附子一枚

右五味呔咀以酒三升漬一夕發前稍稍啜之勿絕吐也
兼以塗身斷食過時乃食飲之

治肝邪熱為瘡令人顏色蒼蒼氣息喘悶戰掉狀如死者或
久熱勞微動如瘡積年不差烏梅丸方

烏梅肉

蜀漆

鼈甲

萎蕤

知母

苦參

各一兩

栝山

半兩

石膏

甘草

細辛

各半

香豉

合

右十一味末之蜜丸如梧子酒服十九日再飲服亦得
治心熱為瘡不止或止後熱不歇乍來乍去令人煩心甚欲
飲清水反寒多不甚熱者方

甘草

一兩

蜀漆

三兩

栝山

四兩

石膏

五兩

鼈甲

四兩

香豉

梔子

烏梅

各三枚

淡竹葉

物二

右九味呔咀以水九升煮取三升分三服

治脾熱為瘡或渴或不渴熱氣內傷不泄令人病寒腹中痛

腸中鳴汗出恒山丸方

恒山兩三

甘草兩半

知母

鼈甲各一兩

右四味末之蜜丸如梧子未發前酒服十九臨發時一服

正發時一服

治肺熱痰聚胃中來去不定轉為瘧其狀令人心寒寒甚則發熱熱間則善驚馬如有所見者恒山湯方

恒山兩三

秫米二百二十粒

甘草兩半

右三味咬咀以水七升煮取三升分三服至發時令三服盡

治腎熱發為瘧令人淒淒然腰脊痛宛轉大便難目眴眴然身掉不定手足寒恒山湯方

恒山兩三

烏梅枚七

香豉合

竹葉物一

葱白握一

右五味咬咀以水九升煮取三升分三服至發令盡

五藏並有疰候六腑則無獨胃腑有之胃腑疰者令人且病也善飢而不能食食而支滿腹大藜蘆丸主之方

藜蘆 皂莢 恒山 牛膝兩一 巴豆枚

右五味先熬藜蘆皂莢色黃合搗為末蜜丸如小豆大旦

服一九正發時一九一日勿飽食肘後无恒山牛膝

肝疰刺足厥陰見血

心疰刺手少陰

脾疰刺足太陰

肺疰刺手太陰陽明

腎疰刺足少陰太陽

胃疰刺足太陰陽明橫脉出血

凡灸疰者必先問其病之所先發者先灸之從頭項發者於未發前預灸大椎尖頭漸灸過時止從腰脊發者灸腎輸百

壯從手臂發者灸三間

疔灸上星及大椎至發時令滿百壯灸艾炷如黍米粒俗人不解取穴務大炷也

覺小異即灸百會七壯若後更發又七壯極難愈者不過三灸以足踏地以線圍足一匝中折從大椎向百會灸線頭三七壯炷如小豆

又灸風池二穴三壯

一切疔無問遠近正仰卧以線量兩乳間中屈從乳向下灸度頭隨年壯男左女右

五藏一切諸疔灸尺澤七壯穴在肘中約上動脈是也

諸瘡而脈不見者刺十指間出血血去必已先視身之赤如小豆者尽取之

瘡刺足少陰血出愈

瘡瘡上星主之穴在鼻中央直髮際一寸陷容豆是也灸七壯先取諛譖後取天牖風池

瘡日西而發者臨泣主之穴在目眥上入髮際五分陷者灸七壯

瘡實則腰背痛虛則躄疔飛揚主之穴在外踝上七寸灸七壯瘡多汗腰痛不能俛仰目如脫項如拔崑崙主之穴在足外踝後跟骨上陷中灸三壯

禳瘡法

未發前抱大雄雞一頭著懷中時時驚動令雞作大聲立差

治瘡符凡用二符

瘡小兒父字石拔母字石鎚某甲

著患人姓名

以患瘡人竊讀之曰

一切天地山水城隍日月五星比日敬竈君今有一瘡鬼小兒

寫竈君作黑面奴若當不信看文書急急如律令

右件符必須眞書且前後各留白紙一行擬著竈君額上瓦石壓之不得壓字上勿令人近符若得專遣一人看符大好亦勿令灰土傳符上致使字不分明出見著符次第如後若明日日出後發須令人夜掃竈君前及額上令淨至發日旦令患人整衣帽立竈前讀符使人自讀必須分明讀符勿錯一字每一徧若別人讀一徧患人跪一拜又以手捉患人一度若患人自讀自捉衣振云人姓某甲如此是凡三徧讀三拜了以淨瓦石壓兩角字向上著竈額上勿令壓字上若瘡口西發具如上法三徧讀符至午時更三徧讀如上法如夜發日暮更三徧讀並如上法其竈作食亦得勿使動此符若有兩竈大竈上著符若有露

地竈屋裏竈上著上有露竈依法著仍須手捉符其
符法如後若有客患會須客經停過三度發三度委
曲著符如上法符亦云客姓名患瘧乞拘錄瘧鬼小
兒如左凡治久患者一著符一漸差亦可五度著符
如始可至差又須手把符如左

王良符張季伯書之急急如律令

右王良符依法長卷兩手握念佛端坐如須行動檢
校插著胸前字頭向上

右二符各依法一時用不得闕一符萬一不差但得一發
輕後發日更讀即差一一子細依法若字參差即不差

診谿毒證第七

江東江南諸谿源間有蟲名短狐谿毒亦名射工其蟲無目
而利耳能聽在山源谿水中聞人聲便以口中毒射人故謂

射工也其蟲小毒輕者及相逐者射著人影者皆不即作瘡
先病寒熱身不喜冷體強筋急頭痛目疼張口欠欬呼吸悶
亂朝旦少蘇醒晡夕輒復寒熱或似傷寒發石散動亦如中
尸便不能語病候如此自非其土地人不常數行山水中不
知其證便謂是傷寒發石散動作治乖僻毒成發瘡復疑是
癰疽乃至吐下去血復恐疑蠱毒母是以致禍耳今說其狀類
以明其證與傷寒別也方在第二十五卷中

備急千金要方卷第十

金澤文庫

備急千金要方卷第十一 肝藏

金澤文庫

朝奉郎守太常寺卿秘閣校理荆登聞檢院上護軍賜緋魚袋臣林億等校正

肝藏脉論第一

肝虛實第二 肝膽俱虛實附

肝勞第三

筋極第四 筋虛實附

堅癥積聚第五

肝藏脉論第一

論曰夫人稟天地而生故內有五藏六腑精氣骨髓筋脉外有四肢九竅皮毛爪齒咽喉唇舌肛門胞囊以此摠而成軀故將息得理則百脉安和役用非宜即為五勞七傷六極之患有方可救雖病無他無法可憑奄然永往所以此之中秩卷卷皆備述五藏六腑等血脉根源循環流注與九竅應會

處所并論五藏六腑等輕重大小長短闊狹受盛多少仍列
對治方法丸散酒煎湯膏摩熨及灸針孔穴並窮於此矣其
能留心於醫術者可考而行之其冷熱虛實風氣準藥性而
用之則內外百病無所逃矣凡五藏在天爲五星在地爲五
嶽約時爲五行在人爲五藏五藏者精神魂魄意也論陰陽
察虛實知病源用補瀉應稟三百六十五節終會通十二經焉
論曰肝主魂爲郎官隨神往來謂之魂魂者肝之藏也目者
肝之官肝氣通於目目和則能辨五色矣左目甲右目乙循
環紫宮榮華於爪外主筋內主血肝重四斤四兩左三葉右
四葉凡七葉有六童子三玉女守之神名藍藍主藏魂號爲
魂藏隨節應會故云肝藏血血舍魂在氣爲語在液爲淚肝
氣虛則恐實則怒肝氣虛則夢見園苑死生草得其時夢伏樹
下不敢起肝氣盛則夢怒厥氣客於肝則夢山林樹木

凡人卧血歸於肝肝受血而能視足受血而能步掌受血而能握指受血而能攝

凡肝藏象木與膽合為腑其經足厥陰與少陽為表裏其脉弦相於冬王於春春時萬物始生其氣來濡而弱寬而虛故脉為弦濡即不可發汗弱則不可下寬者開開者通通者利故名曰寬而虛

春脉如弦春脉肝也東方木也萬物之所以始生也故其氣來濡弱輕虛而滑端直以長故曰弦反此者病何如而反其氣來實而弦此謂太過病在外其氣來不實而微此謂不及病在內太過則令人善忘作怒忽忽眩冒而癩疾不及則令人脊痛引背兩脅胷滿

肝脉來濡弱招招如揭竿末梢曰平

巢源作綽綽如揭長竿春

以胃氣為本肝脉來盈實而滑如循長竿曰肝病肝脉來急

而益勁如新張弓弦曰肝死

真肝脉至内外急如循刀刃責責然噴噴然如按琴瑟絃源

張如新色青白不澤毛折乃死

春胃微弦曰平弦多胃少曰肝病但弦無胃曰死胃而有毛

曰秋病毛甚曰今病

肝藏血血舍魂悲哀動中則傷魂魂傷則狂妄其精不守作

狂妄不精不令人陰縮而攣筋兩脅助骨舉不毛悴色夭

死于秋

足厥陰氣絕則筋縮引卵與舌厥陰者肝脉也肝者筋之合

也筋者聚於陰器而脉絡於舌本故脉弗營則筋縮急筋縮急

則引卵與舌故唇青舌卷卵縮則筋先死庚篤辛死金勝木也

肝死藏浮之弱按之中如索不來或曲如蛇行者死

春肝木王其脉弦細而長曰平反得沈濡而滑者是腎之乘

肝母之歸子為虛邪雖病易治反得浮大而洪者是心之乘

肝子之乘母為實邪雖病自愈反得微澀而短千金翼云微浮而短澀

者是肺之乘肝金之剋木為賊邪大逆十死不治反得大而

緩者是脾之乘肝土之陵木為微邪雖病即差心乘肝必吐

利肺乘肝即為癰腫

左手關上陰絕者無肝脉也若瘡遺溺難言胷下有邪氣善

吐刺足少陽治陽

左手關上陰實者肝實也苦肉中痛動善轉筋吐刺足厥陰

治陰

肝脉來濯濯如倚竿如琴瑟絃再至曰平三至曰離經病四

至脫精五至死六至命盡足厥陰脉也

肝脉急甚為惡言妄詐微急為肥氣在脅下如覆杯緩甚為

嘔微緩為水痕痺大甚為內癰善嘔衄微大為肝痺縮欬引

少腹小甚為多飲微小為消痺滑甚為頽疝微滑為遺溺瀦甚為淡飲微瀦為瘕瘕筋攣

肝脉搏堅而長色不青當病墜若搏因血在脅下令人喘逆其濡而散色澤者當病溢飲溢飲者渴暴多飲而溢入肌皮腸胃之外也

素問溢入作易入

青脉之至也長而左右彈有積氣在心下支肱名曰肝痺得之寒濕與疝同法腰痛足清頭痛

扁鵲云肝有病則目奪精虛則寒寒則陰氣壯壯則夢山樹等實則熱熱則陽氣壯壯則夢怒

肝在聲為呼在變動為握在志為怒怒傷肝精氣并於肝則憂肝虛則恐實則怒怒而不已亦生憂矣

色主春病變於色者取之榮

病先發於肝者頭目眩脅痛支滿一日之脾閉塞不通身痛

體重二日之胃而腹脹三日之腎少腹腰脊痛脛痠十日不
已死冬日入夏早食

病在肝平旦慧下晡甚夜半靜

假令肝病西行若食雞肉得之當以秋時發病以庚辛日也
家有血腥死女子見之以明要爲災不者若感金銀物得之
凡肝病之狀必兩脅下痛引少腹令人善怒虛則目眈眈無
所見耳無所聞善恐如人將捕之若欲治之當取其經足厥
陰與少陽氣逆則頭目痛耳聾不聰頰腫取血者

肝脉沈之而急浮之亦然苦脅痛有氣支滿引少腹而痛時
小便難苦目眩頭痛腰痛足爲寒時瘥女人月事不來時
亡時有得之少時有所墮墜

肝病其色青手足拘急脅下苦滿或時眩冒其脉弦長此爲
可治宜服防風竹瀝湯秦艽散春當刺大敦夏刺行間冬刺

曲泉皆補之季夏刺太衝秋刺中郄皆瀉之又當灸期門百壯背第九椎五十壯

邪在肝則兩脅中痛寒中惡血在內疝善瘕節時腫取之行間以引脅下補三里以溫胃中取血脈以散惡血取耳間青脈以去其瘕

凡有所墮墜惡血留內若有所大怒氣上而不能下積于左脅下則傷肝

肝中風者頭目暈兩脅痛行常偃令人嗜甘如阻婦狀

肝中寒者其人洗洗惡寒翕翕發熱面翕然赤熱熱有汗胃中煩熱

肝中寒者其人兩臂不舉舌本又作大燥善太息胃中痛不得轉側時盜汗欬食已吐其汁

肝主胃中喘怒罵其脈沈胃中又窒欲令人推按之有熱臯窒

肝傷其人脫肉又卧口欲得張時時手足青目瞑瞳人痛此
爲肝藏傷所致也

肝水者其人腹大不能自轉側而脇下腹中痛時時津液微
生小便續通

肝脹者脅下滿而痛引少腹

肝著其病人常欲蹈其胷上先未苦時但欲飲熱

診得肝積脉弦而細兩脇下痛邪氣走心下足脛寒脇痛引

少腹男子積疝女子瘕淋身無膏澤善轉筋爪甲枯黑春差

秋劇色青也肝之積名曰肥氣在左脇下如覆杯有頭足如

龜鼈狀久久不愈發欬逆瘖瘡連歲月不已以季夏戊巳日得

之何也肺病傳肝肝當傳脾脾適以季夏王者不受邪肝復

欲還肺肺不肯受因留結爲積故知肥氣以季夏得之

肝病胷滿脇脹善恚怒叫呼身體有熱而復惡寒四肢不舉

面白身體滑其脉當弦長而急今反短瀯其色當青而反白者此是金之剋木爲大逆十死不治

襄公問扁鵲曰吾欲不診脉察其音觀其色知其病生死可得聞乎荅曰乃聖道之大要師所不傳黃帝貴之過於金玉入門見病觀其色聞其呼吸則知往來出入吉凶之相角音人者主肝聲也肝聲呼其音琴其志怒其經足厥陰厥逆少陽則榮衛不通陰陽交雜陰氣外傷陽氣內擊擊則寒寒則虛虛則卒然喑啞不聲此爲厲風入肝續命湯主之方在第八卷中但踞坐不得低頭面目青黑四肢緩弱遺失便利甚則不可治賒則旬月之內桂枝酒主之方在第八卷中又呼而哭哭而反吟此爲金克木陰擊陽陰氣起而陽氣伏伏則實實則熱熱則喘喘則逆逆則悶悶則恐畏目視不明語聲切急謬說有人此爲邪熱傷肝甚則不可治若唇色雖青向

眼不應可治地黃煎主之方在下肝虛實篇中

肝病為瘡者令人色蒼蒼然太息其狀若死者烏梅丸主之
方在第十卷中若其人本來少於悲恚忽爾嗔怒出言反常
乍寬乍急言未竟以手向眼如有所畏若不即病禍必至矣
此肝病聲之候也若其人虛則為寒風所傷若實則為熱氣
所損陽則瀉之陰則補之青為肝肝合筋青如翠羽者吉肝
主目目是肝之餘其人木形相比於上角蒼色小頭長面大
肩平背直身小手足有材好勞心小力多憂勞於事耐春夏
不耐秋冬秋冬感而生病足厥陰他他然脅廣合堅脆傾正
則肝應之正青色小理者則肝小小則藏安無脅下之病粗
理者則肝大大則虛虛則寒逼胃迫咽善膈中且脅下痛廣
脅反駁者則肝高高則實實則肝熱上支賁加脅下急為息賁
合脅危兔一作駁者則肝下下則逼胃脅下空空則易受邪脅

堅骨者則肝堅堅則藏安難傷脅骨弱者則肝脆脆則善病
消痺易傷脅腹好相者則肝端正端正則和利難傷脅骨偏
舉者則肝偏傾偏傾則脅下偏痛凡人分部陷起者必有病
生膽少陽爲肝之部而藏氣通於內外部亦隨而應之沈濁
爲內浮清爲外若色從外走內者病從外生部處起若色從
內出外者病從內生部處陷內病前治陰後治陽外病前治
陽後治陰陽主外陰主內凡人死生休否則藏神前變形于
外人肝前病目則爲之無色若肝前死目則爲之脫精若天
中等分墓色應之必死不治者應增損斟酌賒促賒則不出
四百日內促則不延旬月之間肝病少愈而卒死何以知之
曰青白色如拇指大靨點見顏頰上此必卒死肝絕八日死
何以知之面青目赤但欲伏眠視而不見人汗出如水不
止

一日死

二

面黑目青者不死青如草滋死吉凶之色在於分

部順順而見青白入目必病不出其年若年上不應三年之中禍必應也

春木肝脉色青主足少陽脉也春取絡脉分肉春者木始治肝氣始生肝氣急其風疾經脉常深其氣少不能深入故取絡脉分肉之間其脉根本並在窻陰之間應在窻籠之前窻籠者耳前上下脉以手按之動者是也

其筋起於小指次指之上結外踝上循肱外廉結於膝外廉其支者別起於外輔骨上走髀前者結伏兔之上後者結於尻其直者上眇乘季脅上走腋前廉俠於膺乳結於缺盆直者上出掖貫缺盆出太陽之前循耳後上額角交巔上下走頤上結於軌其支者結於目外眥爲外維

其脉起於目兌眥上抵頭角下耳後循頸行手少陽之前至肩上却交出手少陽之後入缺盆其支者從耳後入耳中出

走目前至兌皆後其支者別兌皆下大迎合手少陽於頤下
加頰車下頤合缺盆以下胃中貫膈絡肝屬膽循脅裏出氣
街繞毛際橫入髀厭中其直者從缺盆下腋循胃過季脅下
合髀厭中以下循髀陽出膝外廉下外輔骨之前直下抵絕
骨之端下出外踝之前循足跗上出小指次指之端其支者
別跗上入大指之間循大指歧內出其端還貫入爪甲出參
毛合足厥陰為表裏厥陰之本在行間上伍寸應在背輸同
會于手太陰

其足少陽之別名曰光明去踝半寸是也別走厥陰下絡足
趺主肝生病病實則膽熱熱則厥厥則陽病陽脉反逆大於
寸口壹倍病則胃中有熱心脅頭頷痛缺盆腋下腫虛則膽
寒寒則痿痺蹇則陰病陰脉反小於寸口病則胃中有寒少
氣口苦身體無膏澤外至胛絕骨外踝前及諸節皆痛若陰

陽俱靜與其俱動如引繩俱頓者病也此盡是足少陽膽經

經附於後

足厥陰之脉起於大指聚毛之際上循足趺上廉去内踝一

寸上踝八寸交出太陰之後上膈内廉循股陰入毛中環陰

器抵少腹俠胃屬肝絡膽上貫膈布脅肋循喉嚨之後上入

頰頰連目系上出額與督脉會於巔一本云其支者從少腹

下第三第其支者從目系下頰裏環脣内其支者復從肝別

貫膈上注肺中是動則病腰痛不可以俛仰丈夫頰疝婦人

少腹腫甚則嗑乾面塵脫色是主肝所生病者胃滿歐逆洞

泄狐疝遺溺閉癢盛者則寸口大一倍於人迎虛者則寸口

反小於人迎也

足厥陰之别名曰蠡溝去内踝上五寸別走少陽其別者循

經上辜結於莖其病氣逆則辜腫卒疝實則挺長熱虛則暴

癢取之所別足厥陰之筋起於大指之上上結於內踝之前
上循脰上結內輔之上下循陰股結於陰器結絡諸筋

春三月者主肝膽青筋牽病也其源從少陰而涉足少陽少
陽之氣始發少陰之氣始衰陰陽怫鬱於腠理皮毛之病俱
生表裏之病因起從少陽發動反少陰氣則藏腑受癘而生
其病相反若腑虛則為陰邪所傷腰背強急脚縮不伸脰中
欲折目中生花若藏實則為陽毒所填濇濇前寒而後熱頸
外雙筋牽不得屈伸頸直背強眼赤黃若欲轉動合身回側
故曰青筋牽病方在傷寒上卷

扁鵲曰灸肝肺二輸主治丹毒牽病當依源處治調其陽理
其陰藏腑之疾不生矣

肝虛實第二

肺四條方灸法一首

十一首

肝實熱

左手關上脉陰實者足厥陰經也病苦心下堅滿常兩脅痛
息忿忿如怒狀名曰肝實熱也

治肝實熱陽氣伏邪熱喘逆悶恐目視物無明狂悸非意而言竹
瀝泄熱湯方 竹瀝升一 麻黃分三 石膏分八 生薑

芍藥各四 大青 梔子人 升麻

茯苓 玄參 知母各三 生葛分八

右十二味哎咀以水九升煮取二升半去滓下竹瀝煮兩
三沸分三服須利下甚消三分去芍藥加生地黃五分繁

方無石膏生薑芍藥
生葛用人參三分

治肝實熱目痛胃滿氣急塞瀉肝前胡湯方

前胡 秦皮 細辛 梔子人

黃芩 升麻 蕤人 決明子各三

苦竹葉升一 車前葉升一 芒消三

右十一味咬咀以水九升煮取三升去滓下芒消分三服
又一方有柴胡三兩共十二味

治肝實熱夢怒虛驚防風煮散方

防風

茯苓

葶藶

白朮

橘皮

丹參

各一兩三分細辛

甘草

升麻

黃芩

大棗

三枚射干

酸棗

右十三味治下篩為麤散以方寸兩匕帛裹以井花水二

升煮時時動裏子煎取一升分服之日二

治肝邪熱出言反常乍寬乍急遠志煮散方

遠志

射干

杏仁

大青

茯苓

葛根

甘草

麥門冬

芍藥

桂心

石膏

知母

升麻

右十三味治下篩為麤散以水二升五合煮竹葉一升取

汁用煮藥壹匕半煎取捌合為壹服日貳以綿裹散煮之
治邪熱傷肝好生悲怒所作不定自驚馬恐地黃煎方

生地黃

淡竹葉

生薑

車前草

乾藍各切

丹參

玄參略

茯苓兩

石膏兩五

赤蜜升

右拾味以水玖升煮取叁升去滓停冷下蜜更煎叁
兩沸分叁服

肝膽俱實

左手關上脉陰陽俱實者是厥陰與少陽經俱實也病苦田日
脹嘔逆食不消名曰肝膽俱實也

肝虛寒

左手關上脉陰虛者是厥陰經也病苦脅下堅寒熱腹滿不
欲飲食腹脹悒悒不樂婦人月經不利腰腹痛名曰肝虛寒也

治肝氣不足兩脅下滿筋急不得大息四肢厥冷發搶心腹
痛目不明了及婦人心痛乳癰膝熱消渴爪甲枯口面青者
補肝湯方

甘草

桂心

山茱萸

各一兩千金翼作烏頭

細辛

桃人

千金翼作麩人

栝子人

茯苓

防風

各二兩

大棗

二十枚

右玖味咬咀以水玖升煮取伍升去滓分叁服

補肝散治左脅偏痛久宿食不消并目眊眊昏風淚出見物
不審而逆風寒偏甚消食破氣止淚方

山茱萸

桂心

署預

天雄

茯苓

人參

芎藭

獨活

五加皮

大黃

防風

乾薑

丹參

厚朴

細辛

桔梗

各兩

甘菊花

甘草

各壹兩

貫衆兩

橘皮分三

陳麥麴

大麥蘖格一

右二十三味治下篩酒下方寸匕日二若食不消食後服若止痛食前服之

補肝酒治肝虛寒或高風眼淚等雜病釀松膏酒方

松脂十斤細坐以水淹浸一周日煮之細細接取上膏水竭更添之脂盡更水煮如煎煙盡去火停冷脂當沈下取一斤釀米一石水七斗好麴末二斗如家常釀酒法仍冷下飯封二百日脂米麴並消盡酒香滿一室細細飲之此酒須一倍加麴

又方

取枸杞子擣碎先內絹袋中率一斗枸杞子二斗酒漬訖密封泥甕勿泄暴乾天陰勿出三七日滿且溫酒服任性飲忌酢

治肝虛寒自眩視物不明諦視生花防風補煎方

防風 細辛 芎藭 白鮮皮 獨活

甘草 略三 橘皮 兩二 大棗 枚七 甘竹葉 物一 蜜 合

右十味咬咀以水一斗二升先煮芎藭九味取四升去滓下蜜更

煎兩沸分四服日三夜一若五六月以燥器貯冷水藏之

治肝虛寒脅下痛脹滿氣急目昏濁視物不明檳榔湯方

檳榔 二枚 母薑 兩 附子 枚七 茯苓 橘皮

桂心 兩三 桔梗 白木 兩四 吳茱萸 兩

右九味咬咀以水九升煮取三升去滓分温二服若氣喘

者加芎藭三兩半夏四兩甘草二兩

肝虛目不明灸肝輸二百壯小兒斟酌可灸二七壯

肝膽俱虛

左手開上脉陰陽俱虛者足厥陰與少陽經俱虛也病如恍

惚尸厥不知人妄見少氣不能言時時自驚名曰肝膽俱虛也

肝勞第三論一首

論曰肝勞病者補心氣以益之心王則感於肝矣人逆春氣則足少陽不生而肝氣內變順之則生逆之則死順之則治逆之則亂反順為逆是謂關格病則生矣

治肝勞虛寒關格勞澀閉塞不通毛悴色夭猪膏酒方

猪膏

薑汁格四

右二味以微火煎取三升下酒五合和煎分為三服

治肝虛寒勞損口苦關節骨疼痛筋攣縮煩悶虎骨酒補方

虎骨

碎姪雀頭焦

丹參兩八

乾地黄兩七

地骨皮

乾薑

芎藭

各四兩

猪椒根

白朮

五加皮

枳實

各五兩

右十味咬咀絹袋盛以酒四斗浸四日初服六七合漸加至

一升日再服

筋極第四

論三首 方七首
灸法七首

論曰夫六極者天氣通於肺地氣通於嗌風氣應於肝雷氣動於心穀氣感於脾素問穀作谷兩氣潤於腎六經為川腸胃為海九竅為水注之氣所以竅應於五藏五藏邪傷則六腑生極故曰五藏六極也

論曰凡筋極者主肝也肝應筋筋與肝合肝有病從筋生又以春遇病為筋痺筋痺不已復感於邪內舍於肝則陽氣入於內陰氣出於外若陰氣外出則虛虛則筋虛筋虛則善悲色青蒼白見於目下若傷寒則筋不能動十指爪皆痛數好轉筋其源以春甲乙日得之傷風風在筋為肝虛風也若陽氣內發發則實實則筋實筋實則善怒嗌乾傷熱則欬欬則脅下痛不能轉側又脚下滿痛故曰肝實風也然則因

其輕而揚之因其重而減之因其衰而彰之審其陰陽以別
柔剛陽病治陰陰病治陽善治病者病在皮毛肌膚筋脉而
治之次治六腑若至五藏則半死矣

扁鵲云筋絕不治九日死何以知之手足爪甲青黑呼罵口
不息筋應足厥陰足厥陰氣絕則筋縮引如與舌筋先死矣
治筋實極則欬欬則兩脅下縮痛痛甚則不可轉動橘皮通
氣湯方

橘皮兩

白朮

石膏略五

細辛

當歸

桂心

茯苓略二

香豉升

右八味咬咀以水九升煮取三升去滓分三服

治筋實極則兩脚下滿滿而痛不得遠行脚心如割筋斷折
痛不可忍丹參煮散方

丹參兩三

芎藭兩

杜仲

續斷

地骨皮各二兩 當歸 通草 乾地黄

麥門冬 升麻 禹餘糧 麻黄各一兩

牛膝二兩 生薑切炒取 牡蠣各二兩

甘草 桂心各一兩

右十七味治下篩為麤散以絹袋子盛散二方寸匕以井

花水二升煮數動袋子煮取一升頓服日二

治筋實極手足爪甲或青或黃或黑烏黯四肢筋急煩滿地

黃煎方

生地黄汁升 生葛汁 生玄參汁各一 大黃

升麻各二兩 梔子人 麻黄 犀角各三

石膏五兩 芍藥四兩

右十味咬咀以水七升煮七物取二升去滓下地黄汁煎

一兩沸次下葛汁等煎取三升分三服日再

治筋虛極筋痺好悲思顏色蒼白四肢噓吸脚手拘攣伸動
縮急腹中轉痛五加酒方

五加皮斤 枳刺斤 大麻人斤 猪椒根皮

丹參酪八 桂心 當歸 甘草酪三

天雄 秦椒 白鮮 通草酪四

乾薑兩五 薏苡人斤 芎藭兩五

右十五味咬咀以絹袋盛清酒四斗漬春夏四日秋冬六
七日初服六七合稍稍加以知為度

治筋虛極則筋不能轉十指爪皆痛數轉筋或交接過度或
病未平復交接傷氣內筋絕舌卷唇青引外縮脰脉疼急
腹中絞痛或便欲絕不能飲食人參酒方

人參 防風 茯苓 細辛 秦椒

黃耆 當歸 牛膝 桔梗酪半 乾地黄

丹參

署預

鍾乳

礬石酪三

山茱萸

芎藭酪二

白木

麻黃酪半

大棗枚三十

五加皮升

生薑

乾切炒

烏麻

碎各升

右二十二味，以唾鍾乳別以小袋子盛，以清酒二斗半浸五宿，溫服三合，日再無所聞，隨意增進。一本無烏麻，用杜仲半兩

仲半兩

治交接損外縮筋攣方

燒婦人月經衣灰服方寸匕

治筋絕方

熬蟹腦足髓內瘡中筋即續

勞冷氣逆腰髓冷痺脚屈伸難，灸陽蹻一百壯，在外踝下容，腰背不便轉筋急痺，筋攣灸第二十一椎，隨年壯，轉筋十指筋攣急不得屈伸，灸脚外踝骨上七壯。

失精筋攣陰縮入腹相引痛灸中封五十壯在內踝前筋裏宛宛中

失精筋攣陰縮入腹相引痛灸下滿各五十壯老人加之小兒隨年壯又云此二穴喉腫厥逆五藏所苦鼓脹並悉主之轉筋脛骨痛不可忍灸屈膝下廉橫筋上三壯

腹脹轉筋灸臍上一寸二十壯

堅癥積聚第五

論一首 灸法六首

方四十四首

論曰病有積有聚何以別之荅曰積者陰氣也聚者陽氣也故陰沉而伏陽浮而動氣之所積名曰積氣之所聚名曰聚故積者五藏之所生聚者六腑之所成故積者陰氣也其始發有常處其痛一作病不離其部上下有所終始左右有所窮已聚者陽氣也其始發無根本上下無所留止其痛無常處謂之聚也故以是別知積聚也

經絡受病入於腸胃五藏積聚發伏梁息賁肥氣否氣奔豚
積聚之始生至其已成柰何曰積之始生得寒乃生厥止乃
成積人之善病腸中積者何以候之曰皮薄而不澤肉不堅
而淖澤如此則腸胃傷惡惡則邪氣留止積聚乃作腸胃之
積寒温不次邪氣稍止至其畜積留止大聚乃起病有身體
腰髀股肱皆腫環臍而痛是為何病曰病名伏梁此風根也
不可動動之為水溺瀉之病少腹盛左右上下皆有根者伏
梁也果膿血居腸胃之外不可治治之每切按之致死此下
則因陰必下膿血上則迫胃管生王水云當作出膈俠胃管內癰此
久病也難療居臍上為逆慎勿動亟奪其氣溢於大腸而著
於育育之原在臍下故環臍而痛

三台丸治五藏寒熱積聚臙脹腸鳴而噫食不生肌膚甚者
嘔逆若傷寒瘥已愈令不復發食後服五丸飲多者吞十

丸常服令人大小便調和長肌肉方

大黃熬

前胡略二

消石

葶藶

杏仁各一

厚朴

附子

細辛

半夏略茯苓兩

右十味末之蜜和擣五千杵服如梧子五丸稍加至十九以知為度

治男子女人百病虛弱勞冷宿寒久癖及癥瘕積聚或嘔逆不下食并風濕諸病無不治之者五石烏頭丸方

鍾乳鍊

紫石英

硫黃

赤石脂

礬石

枳實

甘草

白朮

紫苑

山茱萸

防風

白薇

桔梗

天雄

皂莢

細辛

菴蓉

人參

附子

藜蘆各一兩

乾薑

吳茱萸

蜀椒

桂心

麥門冬略二烏頭兩三

厚朴

遠志

茯苓

各一兩半當歸

棗膏

乾地黄

各一兩

右三十二味末之蜜和擣五千杵酒服如梧子十九日三

稍加之

治男子女人寒冷腹內積聚邪氣往來厥逆搶心心痛痺悶吐下不止婦人產後羸瘦烏頭丸方

烏頭

樹五吳茱萸

蜀椒

乾薑

桂心

各一兩半

前胡

細辛

人參

芎藭

白朮

各一兩

皂莢

紫苑

白薇

芍藥

各一兩乾地黄

右十五味末之蜜丸酒下如梧子十九日三稍加之以知為度

治心腹疝瘕脅下及小腹滿堅痛有積寒氣入腹使人腹中冷發甚則上搶心氣滿食飲喜嘔方

大黃

茯苓

各一兩半

吳茱萸

桂心

黃芩

細辛 人參

蜀椒

乾薑 各一兩 六銖

牡丹

甘草 芎藭

菴蓉

麝蟲 各十銖

芍藥

防葵 蝨蟲

厚朴

半夏 各一兩 男髮灰 半兩

右二十味末之以蜜丸服如梧子五九日再漸加之

恒山丸治脅下邪氣積聚往來寒熱如温瘧方

恒山 蜀漆

白薇

桂心

鮫甲

白朮 附子

鼈甲

麈蟲

貝齒 酪半

蜚蠊 六銖

右十一味末之蜜丸如梧子以米汁服五九日三

又方

蒸鼠壤土熨之冷即易腹中切痛炒鹽半升令焦內

湯中飲之大吐差若手足痛者燒青布內小口器中

熏痛處

神明度命丸治久患腹內積聚大小便不通氣上搶心腹中
脹滿逆害飲食服之甚良方

大黃

芍藥各二兩

右二味末之蜜丸服如梧子四九日三不知可加至六七
丸以知為度

治萬病積聚方

七八月收蒺藜子不限多少以水煮過熟取滓暴令
乾擣篩蜜丸酒服如梧子七丸以知為度其汁煎如
飴服之

治胃中心下結積食飲不消陷胃湯方

大黃

栝樓實

黃連各二兩

甘遂一兩

右四味咬咀以水五升煮取二升五合分三服

太一神明陷冰丸治諸疾破積聚心下支滿寒熱鬼注長病

欬逆唾噫辟除衆惡殺鬼逐邪氣鬼擊客忤中惡胃中結氣
咽中閉塞有進有退繞臍惻惻隨上下按之挑手心中心慍慍
如有蟲狀毒注相泚滅門方

雄黃油噴 丹砂 礬石 當歸 大黃醃

巴豆兩 芫青枚 桂心兩 眞珠 附子各一

蜈蚣枚 烏頭枚 犀角 鬼臼 射罔

藜蘆醃 麝香 牛黃 人參醃半 杏仁枚

蜥蜴枚 斑猫枚 樗雞枚 地膽枚

右二十四味末之蜜和擣三萬杵丸如小豆先食飲服二
九日二不知稍加之以藥二九安門戶上令衆惡不近傷
寒服之無不即差若至病家及視病人夜行獨宿服二九

衆惡不敢近此方與第十七卷尸疰篇方重

蜥蜴丸治癥堅水腫蜚尸遁尸百注尸注骨血相注惡氣鬼

忤蠱毒邪氣往來夢寤存亡留飲結積虎狼所嚙狢犬所
咋鳩毒入人五藏服藥已消殺其毒食不消婦人邪鬼忤亦
能遣之方

蜥蜴二枚

蜈蚣二枚

地膽五十枚

麝蟲三十枚

杏仁三十枚

蜚蠊十四枚

蝨蟲三十枚

朴消一兩十銖

澤漆

桃奴

犀角

鬼督郵

桑赤雞各十銖

虎骨各一兩半

甘草一兩

巴豆一兩十銖

款冬花一兩十銖

甘遂一兩六銖

乾薑一兩

右二十味末之別治巴豆杏人如膏內藥末研調下蜜搗
二萬杵丸如麻子先食飲服三九日一不知加之不敢吐
下者一九日一服有人風冷注癖堅二十年者得差此方與第

十七卷尸
症篇方重

大五明狼毒丸治堅癖痞在人背脅或在心腹方

狼毒

乾地黄各四兩

附子

大黃

菝葐

人參

當歸各壹兩

半夏貳兩

乾薑

桂心各壹兩半

細辛

五味子

蜀椒

藜蘆

熬令煙盡
各壹兩

芫花

莽草

厚朴

防己

旋復花

各半兩

巴豆

貳拾肆枚

杏仁

參拾枚

右二十一味末之蜜和服如梧子二九日二夜一以知為度

小狼毒丸治病與前同方

狼毒

參兩

旋復花

貳兩

附子

半夏

白附子

藜蘆

各貳兩

右六味末之蜜和擣五千杵飲服如梧子三九加至十

丸日三

附後方無半夏白
附子藜蘆只三味

狼毒丸治堅癖方

狼毒

伍兩

半夏

杏仁

各參兩

桂心

肆兩

附子

蜀椒

細辛

各貳兩

右七味末之別擣杏人蜜和飲服如大豆二丸

治暴堅久痞腹有堅甘遂湯方

甘遂 黃芩 芒消 桂心 細辛各壹兩 大黃兩叁

右六味咬咀以水八升煮取二升半分三服

治卒暴癥腹中有物堅如石痛如斫刺晝夜啼呼不治百日必死方

牛膝二斤咬咀暴之令乾以酒一斗浸之密塞器口煎取半服半升一服便吐去宿食神效

治卒暴癥方

取商陸根擣碎蒸之以新布籍腹上以藥鋪著布上以衣物覆其上冷復易之數日用之旦夕勿息

又方

蒜拾片取五月五日戶上者去皮 桂壹尺 甕中黃土如雞子大壹枚

右三味合搗以淳苦酒和塗布上以掩病處不過三日消

凡蒜亦佳

肘後方不用桂

野葛膏治暴癥方

野葛尺一

當歸

附子

雄黃

油煎一日

細辛兩一

烏頭

兩二

巴豆

枚一百

蜀椒

兩半

右八味咬咀以大醋浸一宿猪膏二斤煎附子色黃去滓
內雄黃粉攪至凝傅布上以掩癥上復以油重布上復安
十重紙以熨斗盛火著上常令熱日三夜二須膏乾益良
消石大丸治十二癥瘕及婦人帶下絕產無子并欲服寒食
散而腹中有癥瘕實者當先服大丸下之乃服寒食散大丸
不下水穀但下病耳不令人困方

消石

六兩亦得朴

大黃

兩八

人參

甘草

兩各二

右四味末之以三年苦酒三升置銅器中以竹筋柱器中

一升作一刻凡三升作三刻以置火上先內大黃常攪不息使微沸盡一刻乃內餘藥又盡一刻有餘一刻極微火使可丸如雞子中黃欲合藥當先齋戒一宿勿令小兒女人奴婢等見之欲下病者用二丸若不能服大丸者可分作小丸不可過四丸也欲令大不欲令細能不分為善若人羸者可少食強者不須食二十日五度服其和調半日乃下若婦人服之下者或如雞肝或如米汁正赤黑或一升或三升下後慎風冷作一杯粥食之然後作羹臠自養如產婦法六月則有子禁生魚猪肉辛菜若寒食散者自如藥法不與此同日一服

土瓜丸治諸藏寒氣積聚煩滿熱飲食中蠱毒或食生物及水中蠱卵生入腹而成蟲蛇若為魚鼈留飲宿食婦人產瘕帶下百病陰陽不通利大小便不節絕傷墮落寒熱交結脣

口焦黑身體消瘦嗜卧少食多麁產乳胞中餘疾股裏熱心腹中急結痛引陰中方

土瓜根末

桔梗末各半升

大黃

一斤蒸二斗米下暴乾

杏人

升一

右四味末之蜜丸如梧子空腹飲服三九日三不知加之
以知為度

治凡所食不消方

取其餘類燒作末酒服方寸匕便吐去宿食即差有
食桃不消作病者以時無桃就樹間得槁桃燒服之
登時吐病出甚良

治卒食不消欲成癆積方

煎艾汁如飴取半升一服之便刺吐去宿食神良結

錄驗

方白艾五尺圍一束
薏苡根一大把二味煎

治食魚肉等成癆結在腹內并諸毒氣方

狗屎五升燒末綿裹之以酒一斗浸再宿瀝取清分十服日三服三日使盡隨所食癆結即便出矣

治雜中食癆實不消心腹堅痛者方

以水三升煮白鹽一升令消分三服刺吐去食也并

治暴癆

治癆堅心下有物大如杯不得食食則腹滿心腹絞痛方

葶藶子

大黃

各二兩

澤漆

兩

右三味末之別研葶藶為膏下二味擣五百杵入蜜更擣千杵服如梧子五丸不知加之日三服

治少腹堅大如盤胃中脹食不消婦人瘦瘠者方

煖水服髮灰一方寸匕日再服并灸肋端

又方

飲服上好麴末方寸匕日三差又灸三焦輸隨年壯

治伏梁氣方

白馬尿銅器中承取旦旦服一升

治癆瘵方

擗樹白皮煎令可丸服之取知病動若下減之

治患癆結病及瓜病似瓜形日月形或在臍左右或在臍上下若鼈在左右肋下或當心如合子大復有手脚治之法先針其足以椒熨之方

取一新盆子受一斗者盆底鑽二百二十孔孔上著

椒三合上著一重紙紙上著冷灰一升灰上著執灰

半升上著剛炭火一斤經一食頃盆底執徹當病上

初安羶一重即安火盆火盆大熱以漸更加一重若

火更熱不可忍加至三重暫歇一口冷飲還上火消

二分許即停經三日勿著及至七日決得頓差然後

食美食自補若小不差作露宿丸服之方在第十六卷中

治腹中積癆方

葶藶子一升熬酒五升浸七日服三合日三

治蛇癆方

白馬尾切長五分以酒服方寸匕大者自出更服二分者一方寸匕中者亦出更服三分者一方寸匕小者復出不可頓作一服殺人馬尾一本作馬毛

治蛇癆大黃湯方

大黃

茯苓

格伴兩一本作黃苓

烏賊骨

二枚

皂莢

六枚

甘草

如指大

芒消

如雞子一枚

右六味以水六升煮三沸去滓內消適寒溫盡服之十日一劑作如上法欲服之宿無食平旦服當下病根也

治鼈癆腹堅硬腫起大如盤睡卧不得方

取藍一斤擣水三升絞取汁服一升日二

又方

葫藿根白皮一握研取汁以水和頓服之

又方

白馬尿一升雞子三枚取白合煎取二合空腹頓服
之不移時當吐病出

治食中得病爲鼈癆在心下堅強方

雞屎一升炒令黃取五合以酒一升浸更取半擣爲
末以所浸酒服方寸匕日二三日中作一劑

治蛟龍病開皇六年三月八日有人食芹得之其人病發似
癩癩面色青黃因食寒食錫過多便吐出蛟龍有頭及尾
從茲有人患此疾令服寒食錫三斗大驗

山野人有齧蟲在腹生長為蟲癆病治之方

故敗篋子枚

故敗梳枚

右二物各破為兩分各取一分燒為末又取一分以水五升煮取一升以服前燒末頓服斯須出矣

治米癆常欲食米若不得米則胃中清水出方

雞屎升

白米五

右二味合炒令米焦擣末以水二升頓服取盡須臾吐出病如研米若無米當出痰永憎米不復食

治肉癆思肉不已食訖復思者方

空腹飲白馬尿三升吐肉不出必死

治髮癆由人因食而入久即胃間如有虫上下去來惟欲飲油一日之中乃至三二升不欲飲食者方

油一升以香澤煎之大錘勞貯之安病人頭邊令口

臯臨油上勿令得飲傳臯面令有香氣當叫喚取飲
不得與之必當疲極大睡其髮癥當從口出飲油人
專守視之并置石灰一裹見癥出以灰粉手提癥抽
出須臾抽盡即是髮也初從腹中出形如不流水中
濃菜隨髮長短形亦如之

又方

酒三升煮豬脂二升三沸一服一升日二白馬尿服
之亦佳無馬白牛亦得

癥瘕炎內踝後宛宛中隨年壯又炎氣海百壯

久冷及婦人癥瘕腸鳴泄利遶臍絞痛炎天樞百壯三報之
万勿針穴在俠臍兩邊各二寸

積聚堅滿炎脾募百壯穴在章門季肋端

心下堅積聚冷脹炎上管百壯三報之穴在巨闕下一寸許

積聚堅大如盤冷脹灸胃管二百壯三報之穴在巨闕下二寸

備急千金要方卷第十一

凡患此病者宜早治之

此病發於內野者宜治中腹半井又灸海每百井

之亦由無熱白半亦野

西三長黃散計二長三散一散一散二散三散四散

大古

此病發於外野者宜治外野

此病發於中野者宜治中野

此病發於下野者宜治下野

此病發於上野者宜治上野

此病發於中野者宜治中野

備急千金要方卷第十二 膽腑

朝奉郎守太常少卿充秘閣校理判登聞檢院護軍賜緋魚袋臣林億等校正

膽腑脉論第一

膽虛實第二 虛煩不得眠附

咽門論第三

髓虛實第四

風虛雜補酒煎第五 方附治

吐血第六

萬病丸散第七

膽腑脉論第一

論曰膽腑者主肝也肝合氣於膽膽者中清之腑也 難經云膽者清

淨之腑甲乙號將軍決曹吏重三兩三銖長三寸三分在肝

短葉閒下貯水精汁二合 難經作三合能怒能喜能剛能柔目下

果大其膽乃橫凡膽腦髓骨脉女子胞此六者地氣之所生也皆藏於陰而象於地故藏而不瀉名曰竒恒之腑若胃大腸小腸三焦膀胱此五者天氣之所生也其氣象天故瀉而不藏此受五藏濁氣名曰傳化之腑此不能久留輸瀉者也所謂五藏者藏精氣甲乙作神而不瀉故滿而不能實六腑者傳化物而不藏故實而不能滿所以然者水穀入口則胃實而腸虛食下則腸實而胃虛故曰實而不滿滿而不實也

左手關上陽絕者無膽脉也苦膝疼口中苦眯目善畏如見鬼多驚少力刺足厥陰治陰在足大指間或刺三毛中

左手關上陽實者膽實也苦腹中不安身軀習習也刺足少陽治陽在足上第二指本節後一寸是

膽病者善太息口苦嘔宿汁心澹澹恐如人將捕之咽中介介然數唾候在足少陽之本末亦見其脉之陷下者灸之其

寒熱刺陽陵泉若善嘔有苦長太息心中澹澹善悲恐如人將捕之邪在膽逆在胃膽液則口苦胃氣逆則嘔苦汁故曰嘔膽刺三里以下胃氣逆刺足少陽血絡以閉膽却調其虛實以去其邪也

膽脹者脅下痛脹口苦太息

肝前受病移於膽肝欬不已則嘔膽汁

厥氣客於膽則夢鬪甲乙云夢鬪訟自刺

肝應筋爪厚色黃者膽厚爪薄色紅者膽薄爪堅色青者膽急爪奩色赤者膽緩爪直色白無約者膽直爪惡色黑多敗者膽結

扁鵲云足厥陰與少陽為表裏表清裏濁其病若實極則傷熱熱則驚動精神而不守卧起不定若虛則傷寒寒則恐畏頭眩不能獨卧發於玄水其根在膽先從頭面起腫至足方

在治水篇

膽有病則眉為之傾病人眉系傾者七日死

足少陽之脉是動則病口苦善太息心脅痛不能反側甚則

面微塵體無膏澤足外反熱是為陽厥是主骨所生病者頭

痛角頷痛目兌皆痛缺盆中腫痛掖下腫馬刀挾癭汗出振

寒瘧骨中脅肋髀膝外至脗絕骨外踝前及諸節皆痛小指

次指不用盛者則人迎大一倍於寸口虛者則人迎反小於

寸口也其經脉經筋支別已具第十一卷用藏部中

膽虛實第二脉二條灸法二首 方九首

膽實熱

左手關上脉陽實者足少陽經也病苦腹中氣滿飲食不下

咽乾頭痛洒洒惡寒脅痛名曰膽實熱也

治膽腑實熱精神不守瀉熱半夏千里流水湯方

半夏

宿薑兩各三

生地黄兩五

酸棗人兩

黃芩兩一

遠志

茯苓兩各二

秫米升一

右八味以水八升煮取三升分三服

偏澄清取九升煮藥取三升半分三服集驗方治虛煩悶不

麥門冬桂心各二兩
甘草人參各二兩

胃中膽病灸濁浴隨年壯穴在俠膽輸傍行相去五寸

膽虛寒

左手關上脉陽虛者足少陽經也病苦眩厥痿足指不能搖

臂不能起僵仆目黃失精眩暈名曰膽虛寒也

治大病後虛煩不得眠此膽寒故也宜服温膽湯方

半夏

竹筴

枳實兩各二

橘皮兩三

生薑兩四

甘草兩一

右六味以水八升煮取三升分三服

膽虛灸三陰交各二十壯穴在內踝上一夫
千里流水湯治虛煩不得眠方

半夏

麥門冬各三兩

茯苓兩四

酸棗人升二

甘草

桂心

黃芩

遠志

葶藶

人參

生薑各二兩

秫米升一

右十二味咬咀以千里流水一斛煮米令蟹目沸揚之萬
過澄清取一斗煮藥取二升半分三服

酸棗湯治虛勞煩擾奔氣在胸中不得眠方

酸棗人升三

人參

桂心

生薑各二兩

石膏兩四

茯苓

知母各三兩

甘草半兩

右八味咬咀以水一斗先煮酸棗人取七升去滓下藥煮
取三升分三服日三

治虛勞煩悶不得眠方

大棗

二十七枚

葱白

七莖

右二味以水三升煮取一升去滓頓服

治大下後虛勞不得眠劇者顛倒懊懣欲死

仲景云發

汗吐下後虛煩不得眠若劇者必反覆顛倒心中懊懣梔子湯主之

大梔子

十四枚

豉

合

右二味以水四升先煮梔子取二升半內豉更煮三沸去

滓一服一升安者勿更服若上氣嘔逆加橘皮二兩亦可

加生薑二兩

治煩悶不得眠方

生地黃

枸杞白皮

各五兩

麥門冬

甘草

前胡

各五兩

茯苓

知母

各四兩

人參

二兩

豉

粟米

各五兩

右十味咬咀以水八升煮取三升七分合分三服

治虛勞不得眠方

酸棗

榆葉

各等分

右二味末之蜜丸服如梧子十五丸日再

又方

乾薑四兩末湯和頓服覆取汗病愈

咽門論第三

論曰夫咽門者應五臟六腑往還神氣陰陽通塞之道也喉
龍胞囊舌者並津液調五味之氣本也不可不研乎咽門者
肝膽之候也其重十兩廣二寸五分至胃管長一尺六寸主
通五藏六腑津液神氣應十二時若藏熱咽門則閉而氣塞
若腑寒則咽門破而聲嘶母薑酒主之方在第六卷中熱則
通之寒則補之若寒熱調和病不生矣

髓虛實第四論二首

論曰髓虛者腦痛不安髓實者勇悍凡髓虛實之應主於肝
膽若其腑藏有病從髓生熱則應藏寒則應腑
治髓虛腦痛不安膽腑中寒羌活補髓丸方

羌活

芎藭

當歸

各三兩

桂心

二兩

人參

棗肉

研如脂

羊髓

酥

各一兩

牛髓

大麻人

二升熬
研如脂

右十味先搗五種乾藥為末下棗膏麻人又搗相濡為一
家下二髓并酥內銅鉢中重湯煎之取好為丸如梧子酒
服三十九日二服稍加至四十九

治髓實勇悍驚熱主肝熱柴胡發泄湯方

柴胡

升麻

黃芩

細辛

枳實

梔子

芒消

淡竹葉

生地黃

澤瀉

右十味㕮咀以水九升煮取三升去滓下消分三服

風虛雜補酒前第五方方計

巴戟天酒治虛羸陽道不舉五勞七傷百病能食下氣方

巴戟天

牛膝各三

枸杞根皮

麥門冬

地黃

防風各二

右六味並生用無可得用乾者亦得㕮咀以酒一石四斗浸七日去滓温服常令酒氣相及勿至醉吐慎生冷猪魚油蒜春六日秋冬二七日夏勿服先患冷者加乾薑桂心各一斤好忘加遠志一斤大虛勞加五味子菴蓉各一斤陰下濕加五加根皮一斤有石斛加一斤佳每加一斤藥則加酒七升此酒每年入九月中旬即合入十月上旬即服設服餘藥以此酒下之大妙滓暴乾擣末以此酒服方寸七日三益佳常加甘草十兩佳虛勞加黃耆日一斤

又方

巴戟天 生牛膝各三

右二味咬咀以酒五斗浸之服如前法

治虛勞不足五加酒方

五加皮 枸杞根皮各一

右二味咬咀以水一石五斗煮取汁七斗分取四斗浸麴一斗餘三斗用拌飯下米多少如常釀法熟壓取服之多少任性禁如藥法倍日將息

天門冬大煎治男子五勞七傷八風十二痺傷中六極二氣極則多寒痺腹痛喘息驚恐頭痛二肺極則寒痺腰痛心下堅有積聚小便不利手足不仁三脉極則顏色苦青逆意喜恍惚失氣狀似悲泣之後苦舌強咽喉乾寒熱惡風不可動不嗜食苦眩喜怒妄言四筋極則拘攣手少腹堅脹心痛膝寒

冷四肢骨節皆疼痛五骨極則肢節厥逆黃疸消渴癰疽妄
發重病浮腫如水病狀六肉極則發疰如得擊不復言甚者
至死復生衆醫所不能治此皆六極七傷所致非獨房室之
爲也憂志積思喜怒悲懼復隨風濕結氣欬時嘔吐食以變
大小便不利時泄利重下溺血上氣吐下乍寒乍熱卧不安
席小便赤黃時時惡夢與死人共食飲入冢神室魂飛魄
散筋極則傷肝傷肝則腰背相引難可俛仰氣極則傷肺傷
肺則小便有血目不明髓極則陰痿不起住而不交骨極則
傷腎傷腎則短氣不可久立陰疼惡寒甚者外縮陰下生瘡
濕痒搔之不欲住汁出此皆爲腎病甚者多遭風毒四肢煩
痺手足浮腫名曰脚弱一名脚氣醫所不治此悉主之方

天門冬

切三斗半搗
壓取汁盡

生地黄

切三斗半搗
壓如門冬

枸杞根

切三斗淨洗以水二石五
斗煮取一斗三升澄清

麝骨

一具碎以水一石煮取五斗澄清

酥三升

白蜜三升

右六味並大斗銅器中微火先煎地黃門冬汁減半乃合煎取大斗二斗下後散藥煎取一斗內銅器重釜煎令隱掌可丸平旦空腹酒服如桐子二十九日二加至五十九慎生冷醋滑猪雞魚蒜油麪等擇四時王相日合之其合和一如第一卷合和篇說散藥如左

茯苓

柏子人

桂心

白朮

萎蕤

昌蒲

遠志

澤瀉

署預

人參

石斛

牛膝

杜仲

細辛

獨活

枳實

芎藭

黃耆

菝葜

續斷

狗脊

草薺

白芷

巴戟天

五加皮

覆盆子

橘皮

胡麻人

大豆黃卷

茯苓

石南各二兩

甘草六兩

蜀椒

薏苡人各一兩

阿膠兩

大棗一

黃一作百枚

鹿角膠兩

蔓荊子兩

右三十八味治下篩內煎中有牛髓鹿髓各加三升大佳
小便澀去柏子人加秦芫二兩乾地黄六兩陰痿失精去
萎蕤加五味子二兩頭風去柏子人加菊花防風各二兩
小便利陰氣弱去細辛防風加山茱萸二兩腹中冷去防
風加乾薑二兩無他疾依方合之凡此煎九月下旬採藥
立冬日合而服之至五月上旬止若十二月臘日合者經
夏至七月下旬止若停經夏不壞當於舍北陰處入地深
六尺填沙置藥中上加沙覆之則經夏不損也女人先患
熱者得服患冷者勿服

填骨萬金煎治內勞少氣寒疝裏急腹中喘逆腰脊痛除百
病方

生地黃

三十斤
取汁

甘草

阿膠

肉蓯蓉各一

桑根白皮兩切八

麥門冬

乾地黄各二

石斛一斤五兩

牛髓斤三

白蜜斤六

清酒斗四

麻子人升三

大棗一百五十枚

當歸兩十四

乾漆兩二十

蜀椒兩四

桔梗

五味子

附子各五兩

乾薑

茯苓

桂心各八兩

人參五兩

右二十三味先以清酒二斗六升內桑根白皮麻子人棗膠為刻識之又加酒一斗四升煮取至刻絞去滓內蜜髓地黄汁湯上銅器煎內諸藥末半日許使可丸止大甕盛飲吞如彈丸一枚日三若夏月暑熱煮煎轉味可以蜜地黃汁和諸藥成末為丸如梧子服十五丸不知稍加至三十九丸

治男子風虛勞損兼時氣方

甘草斤一

石斛

防風

菴蓉

山茱萸

茯苓

人參

署預各四兩

桂心

牛膝

五味子

菟絲子

巴戟天

芎藭各三兩並為末

生地骨皮

升切一

丹參

胡麻煮取四升以水二斗

牛髓

升三

生地黄汁

升一

生薑汁

升一

白蜜

升三

生麥門冬汁

升三

右二十二味先煎地黃地骨皮胡麻汁減半內牛髓蜜薑門冬等汁微火煎餘八升下諸藥散和令調內銅鉢中湯上煎令可丸酒服三十九如梧子日二加至五十九

小鹿骨煎

麋骨云

治一切虛羸皆服之方

鹿骨

碎一具

枸杞根

切二

右二味各以水一斗別器各煎汁五升去滓澄清乃合一器共煎取五升日二服盡好將慎皆用大斗

地黃小煎治五勞七傷羸瘦乾削方

乾地黄味一

蜜仁

猪脂仁

胡麻油拌

右四味以銅器中煎令可丸飲服三九如梧子曰三稍加至十九久久常服弥有大益瘦黑者肥充

治虛冷枯瘦身无精光虛損諸不足陸抗膏方

牛髓

羊脂各二

白蜜

生薑汁

酥

各三分經心錄用猪脂

右五味先煎酥令熟次内薑汁次内蜜次内羊脂牛髓後

微火煎之三上三下令薑汁水氣尽即膏成攪令凝止温

酒服之隨人能否不限多少令人肥健發熱也經心錄云

損風濕補益神効男女通服之

枸杞煎補虛羸久服輕身不老神驗方

九月十日取生濕枸杞子一升清酒六升煮五沸出

取研之熟濾取汁令其子極淨暴子令乾擣末和前

汁微火煎令可丸酒服二方寸匕日二加至三七亦

可丸服五十九

夏姬杏人方

杏人三升內湯中去皮尖雙人熟搗盆中水研取七八升汁以鐵釜置塘火上取羊脂四斤摩釜消之內杏人汁溫之四五日色如金狀餌如彈子日三百日肥白易容人不識

治枯瘦方

杏人熬黃去皮尖搗服如梧子曰三令人潤澤无所禁欬逆上氣喉中百病心下煩不得咽者得茯苓欬冬紫苑併力太良生熟熟冷其藥喉中如有息肉者亦服

桃人煎方

桃人一斤

胡麻一斤

酥半斤

牛乳五

地黃取汁

蜜斤

石六味合煎如飴旋服

治五勞七傷方

白羊頭蹄

一具淨治更以草火燒令黃赤以淨綿急塞鼻及腦孔

胡椒

畢撥

乾薑各一兩

葱白斤

豉二斤

右七物先以水煮頭蹄半熟即內藥物煮令極爛去藥令煖任性食之日一具七日用七具禁生冷酢滑五辛陳臭等物

治虛勞補方

羊肚一具切

白朮斤

右二味以水二斗煮取六升一服二升日三服

又方

豉一升蒸三編

薤白一斤切

右二味以水七升煮取三升分三服小取汗

治羸瘦膏煎方

不中水猪肪煎取一升内葱白一握煎令黄出内盆
中看如人肌平旦空腹服訖暖覆卧晡時食白粥粥
不得稀過三日服補藥方如左

羊肝具

羊脊肉條

麴末半

枸杞根汁

右四味以水三斗煮枸杞取一斗去滓細切肝等肉汁中
煮葱豉鹽著如羹法合煎看如稠糖即好食之七日禁如

藥法

猪肚補虛方

猪肚具

人參兩五

蜀椒兩一

乾薑二兩半

葱白兩七

白梁米半升 粳米千

右六味咬咀諸藥相得和米内肚中縫合勿洩氣取四斗

半水緩火煮爛空腹食之大佳兼下少飯

吐血第六

論一首

灸法十五首

方三十首

論曰廩丘云吐血有三種有內衄有肺疽有傷胃內衄者出血如鼻衄但不從鼻孔出是近從心肺間津液出還流入胃中或如豆羹汁或如切鹵血疑停胃中因即滿悶便吐或去數斗至于一石者是也得之於勞倦飲食過常所為也肺疽者或飲酒之後毒滿悶吐之時血從吐後出或一合半升一升是也傷胃者因飲食大飽之後胃中冷則不能消化不能消化便煩悶強嘔吐之所食之物與氣共上衝蹙因傷裂胃口吐血色鮮正赤腹絞痛白汗出其脉緊而數者為難治也問曰病脅脅支滿妨於食病至則先聞腥臊臭出清液先唾血四肢清目眩時時前後血病名為何何以得之對曰病名血枯此得之年少時有所大奪血若醉以入房中氣竭而肝

傷故使月事衰少不來也治以烏賊骨藺茹二物并合丸以
雀卵大如小豆以五丸為後飯飲以鮑魚汁利腸中及傷肝也
凡吐血之後體中但自蟪蟪然心中一不悶者輒自愈假令煩
躁心中悶亂紛紛嘔吐顛倒不安醫工又與黃土湯阿膠散
益加悶亂卒至不濟如此悶者當急吐之方

瓜蒂三分

杜衡

人參各一分

右三味治下篩服一錢匕水漿無在得下而已羸人小減
之吐去青黃或吐血一二升無苦

黃土湯治吐血方

伏龍肝雞子大
二枚

桂心

乾薑

當歸

芍藥

白芷

甘草

阿膠

芎藭各一兩

細辛兩

生地黃兩二

吳茱萸升二

右十二味以酒七升水三升合煮取三升半去滓內

膠煮取三升分三服亦治衄血

生地黄湯治憂恚嘔血煩滿少氣背脊中痛方

生地黄斤一大棗五十枚

阿膠

甘草各三兩

右四味以水一斗煮取四升分四服日三夜一

堅中湯治虛勞內傷寒熱嘔逆吐血方

糖三斤

芍藥

半夏

生薑

甘草各三兩桂心二兩

大棗五十枚

右七味以水二斗煮取七升分七服日五夜二千金翼無

甘草桂心有生地黄

治噫止唾血方

石膏四兩

厚朴三兩

麻黃

生薑

半夏

五味子

杏仁各二兩

小麥升一

右八味以水一斗煮麻黃去沫澄取七升內藥煮取

二升半分再服

治吐血胸中塞痛方

芍藥 乾薑

茯苓 桂心

當歸 大黃

芒消 阿膠

甘草 人參各二兩

麻黃兩一 乾地黄兩四

蟲蟲 水蛭各八枚

大棗二十枚 桃人兩

右十六味 呔咀以水一斗七升 煮取四升 分五服 日三夜二

治吐血内崩上氣面色如土方

乾薑 阿膠 栢葉各二兩 艾一把

右四味 呔咀以水五升 煮取一升 内馬通汁一升 煮取一

升 頓服仲景名栢葉湯不用阿膠 小品不用栢葉肘後同

治吐血酒客温疫中熱毒乾嘔心煩者方

蒲黃 栢樓根 犀角 甘草各二兩

桑寄生

葛根 各三兩

右六味呔咀以水七升煮取三升分三服

澤蘭湯治傷中裏急背脇攣痛欲嘔血時寒時熱小便赤黃此傷於房勞也主之方

澤蘭

糖 各一斤

桂心

人參 各三兩

遠志 二兩

生薑 五兩

麻人升

桑根白皮 三兩

右八味呔咀以淳酒一斗五升煮取七升去滓內糖未食服一升日三夜一勿勞動

治忽吐血一兩口或是心衄或是內崩方

蟻螬 五枚

牛膝

牡丹

王不留行

麥門冬 各二兩

乾地黄

草薺

芍藥 各四兩

續斷

阿膠 各三兩

右十味呔咀以生地黄汁五升赤馬通汁三升煮取三升

分三服不差更合數劑取差

又方

熟艾三雞子許水五升煮取二升頓服

又方

燒亂髮灰水服方寸匕日三

集驗云治舌上忽出血如簪孔者亦治小便出血

治吐血方

生地黄肥者五升擣以酒一升煮沸三上三下去滓頓

服之

又方

凡是吐血服桂心末方寸匕日夜可二十服

肘後云亦療下血

治虛勞吐血方

生地黄五斤絞取汁微火煎之三沸投白蜜一升又煎

取三升服半升日三主骨痛百病久服佳

又方

柏葉一斤以水六升煮取三升分三服

又方

生地黄汁升半

川大黃末寸匕方

右二味温地黄汁一沸内大黃攪之空腹頓服日三差

犀角地黄湯治傷寒及温病應發汗而不汗之内畜血者及鼻衄吐血不盡内餘瘀血面黃大便黑消瘀血方

犀角兩

生地黄兩八

芍藥兩三

牡丹皮兩二

右四味以水九升煮取三升分三服喜妄如狂者加大黃二兩黃芩三兩其人脉大來遲腹不滿自言滿者為無熱但依方不須加也

治五藏熱結吐血衄血方

伏龍肝

如雞子一枚

生竹筴升一芍藥

當歸

黃芩

芍藥

甘草

各二兩

生地黄

斤一

右八味以水一斗三升先煮竹筴減三升下藥取三

升分三服

千金翼有桂心

治衄血吐血當歸湯方

當歸

乾薑

芍藥

阿膠

各二兩

黃芩

三兩

右五味以水六升煮取二升分三服

黃土湯治卒吐血及衄血方

伏龍肝

半升

甘草

白朮

阿膠

乾薑

仲景作地黃

黃芩

各三兩

右六味以水一斗煮取三升去滓下膠分三服

仲景有附

子三兩為七味

治上焦熱膈傷吐血衄血或下血連日不止欲死並主之方

艾葉

外一

阿膠

如手掌大

竹筴

升一

乾薑

兩二

右四味咬咀以水三升煮取一升去滓內馬通汁半升煮取一升頓服之取新馬屎與少水和絞取汁一方不用竹茹加乾薑成七兩

治虛勞崩中吐血下血上氣短氣欲絕面黑如漆方

黃耆

芍藥

芎藭

甘草

各四兩

生薑

一斤

右五味咬咀以酒五升浸一宿明且更以水五升煮取四升分四服日三夜一下陰中毒如湯沃雪也凡夏月不得宿浸藥酒客熱發痔下血穀道熱者去生薑用生地黃代之凡進三兩劑

治吐血汗血大小便下血竹筴湯方

竹筴

甘草

芎藭

黃芩

當歸

各六兩

芍藥

白朮

人參

桂心

各一兩

右九味咬咀以水一斗煮取三升分四服日三夜一

治九孔出血方

擣荊葉汁酒服二合一作荊茶

治吐血蟲毒痔血女子腰腹痛大便後出清血者方

取東向藁蓐荷根擣絞取汁二升頓服之立差

諸下血先見血後見便此為遠血宜服黃土湯先見便後見

血此為近血宜服赤小豆散黃土湯方見次前
葦味仲景方是

赤小豆散方

赤小豆三升熬令坼當歸三兩

右二味治下篩服方寸匕日三

乾地黄丸治血虛勞骨腹煩滿疼痛瘀血往來藏虛不受穀

氣逆不得食補中理血方

乾地黄三兩當歸 乾薑 甘草 麥門冬

黃芩各二兩厚朴 乾漆 枳實 防風

大黃
細辛
白木各一兩
茯苓五兩
前胡六分

人參五分
童蟲
麈蟲各五分

右十八味末之蜜丸先食服如梧子十九日三稍加之
治凡下血虛極麥門冬湯方

麥門冬
白朮各四兩
甘草一兩
牡蠣
芍藥

阿膠三兩
大棗二十枚

右七味咬咀以水八升煮取二升分再服

脊中瘀血楮滿脅膈痛不能久立膝痿寒三里主之

心膈下嘔血上管主之

嘔血肩脅痛口乾心痛與背相引不可效效引腎痛不容主之

唾血振寒盜乾太淵主之

嘔血太陵及郄門主之

嘔血上氣神門主之

內傷唾血不足外無膏澤刺地五會

虛勞吐血灸胃管二百壯亦主勞嘔逆吐血少食多飽多唾

百病作多睡一睡

吐血唾血灸胃堂百壯不針

吐血腹痛雷鳴灸天樞百壯

吐血唾血上氣欬逆灸肺輸隨年壯

吐血酸削灸肝輸百壯

吐血嘔逆灸手心主五十壯千金翼云太陵是

凡口鼻出血不止名腦衄灸上星五十壯入髮際一寸是

大便下血灸第二十椎隨年壯

萬病丸散第七論述三首

論曰聖人之道以慈濟物博求眾藥以戒不虞倉卒之際應手皆得故有萬病方焉余以此方散在羣典乃令學者難用

討尋遂鳩撮要妙以為斯品庶其造次可得好事君子安不
忘危無事之暇可預和合以備痾瘵也

芫花散治一切風冷痰飲癰癖瘡瘻萬醫所不治者皆治之
一名登仙酒一名三建散方

芫花

桔梗

紫苑

大戟

烏頭

附子

天雄

白朮

葦花

狼毒

五加皮

莽草

王不留行

栝樓根

藥荊

躑躅

麻黃

白芷

荆芥

茵芋

各十

石斛

車前子

人參

石長生

石南

各七

葶藶

牛膝

蛇牀子

菟絲子

狗脊

菴蓉

秦艽

各四

藜蘆

各五

署預

細辛

當歸

薏苡人

乾地黄

芎藭

杜仲

厚朴

黃耆

乾薑

芍藥

山茱萸

桂心 吳茱萸 黃芩 防已 五味子

柏子人 遠志 蜀椒 獨活 牡丹

橘皮 通草 柴胡 藁本 昌蒲

茯苓 續斷 巴戟天 食茱萸各二

右六十四味 千金翼中有麻花半夏赤車使者高良薑紫葳無白朮食茱萸 並不治不擇

不炙不熬但振去塵土擣以鹿羅下之即與人服無所忌

凡猪雞五辛生冷酢滑任意食之彌佳惟不得食諸豆

皆殺藥故不得食

藥散兩三 糯米三 細麴末三 眞酒五

先以三大斗水煮米作粥極熟冬月揚去火氣春月稍涼

夏月揚絕大冷秋稍温次下麴末搗使和柔相得重下藥

末搗使突突然好熟乃下眞酒重搗使散盛不津器中以

一淨杖攪散經宿即飲直以布蓋不須密封凡服藥日空

心服之以知為度微覺發動流入四肢頭面習習然為定
勿更加之如法服之常常內消非理加增必大吐利服散
者細下篩服一方寸匕和水酒漿飲無在稍增以知為度
服丸者細下篩蜜丸如梧子一服七丸但服此藥者丸及
散等並得惟不得作湯若欲得補不令吐瀉但取內消甚
大補益勝於五石兼逐諸疴功效一等然作酒服佳於丸
散美而易服流行迅疾若有患人抱病多時積滯宿食大
塊久氣癥瘕積聚一切痼結者即須一兩度增令使吐下
泄去惡物盡後少服內消便為補益凡服藥慎勿早食早
食觸藥必當大吐吐亦無損須更還定但令人咽喉痛三
兩日後始差服者宜知之平旦服藥至午時待藥勢定宜
先食冷飯菹飲冷漿水午後藥勢好定任食熟食無忌若
藥勢未定時不得強起行行即運悶旋倒眼花暗然迷絕

此是逐風所致不須疑怪風盡之後縱令多服更佳不然
悶時但卧但坐須臾醒然不異於常若其定後在意所之
若必便旋當策杖如廁少覺悶亂即須坐住坐住即醒醒
乃可行病在膈上久冷痰癢積聚癥結疝瘕宿食堅塊效
逆上氣等一切痼結重病終日吐唾逆氣上衝膈喉此皆
胃口積冷所致三焦腸間宿冷以成諸疾如此例便當吐
却此等惡物輕者一度下轉藥令吐却若重者三五度下
之令盡其吐狀法初吐冷氣沫次吐酢水須臾吐黃汁大
濃甚苦似牛涎病若更多者當吐出紫痰似紫草汁非常
齒齟有此者例入死道不久定死若有症者吐血陳久黑
血新者鮮血吐罷永差一世不發下此吐藥當吐時大悶須
臾自定即不虛懼得冷飲食已耳不虛聾手足不痺若胃
口有前件等病勢久成者正當吐時有一塊物塞膈喉吐復

不出咽復不入當有異種大悶更加一二合藥酒重投藥
下少時即當吐出塊物如拳大真似蝦雞子中黃薯地以
刀斫碎重者十塊輕者三五枚凡人有上件等病若服藥
時不吐却者當時雖得漸損一二年後還發爲此故須下
吐藥欲服取吐者當以春三月服之春宜吐故也凡膈上
冷少腹滿腸鳴膀胱有氣冷利多者須加利藥於此酒內
服之便去惡物利法出泔淀如清水如黃汁如青泥輕者
一兩度下利藥得利以盡病源重者五度下利藥令使頻
得大利以盡病根利法旦起服藥比至晡時可得兩三行
即斷後服凡長病人瘦弱虛損老人貴人此等人但令少
服積日漸漸加令多內消差除久病不加吐利也藥若傷
多吐利困極不止者服方寸匕生大豆末水服之即定及
藍葉烏豆葉嚼以咽之登時即定此據大困時用之小小

時不須凡在世人有虛損陽衰消瘦骨立者服之非常補益旬月之間肌膚充悅顏色光澤髓溢精滿少壯一等凡衆疴萬病皆除之治一切風病癱節風二十兩和酒五斗賊風熱風大風上同偏風癭瘰風癱緩風十二兩和酒三斗此七種並帶熱須加冷藥押使常數便利賊風掣癱八兩和酒二斗濕風周痺八兩和酒二斗腰脚攣痛十二兩和酒三斗筋節拘急八兩和酒二斗重病後汗不流初覺三服一服一盞年久服一升食熟食如錐刀刺者八兩和酒二斗口喎面戾一眼不合者初得四兩和酒一斗年久十二兩和酒三斗頭面風似虫行又似毛髮在面上者八兩和酒二斗起即頭旋良久始定者四兩和酒一斗心悶嘔逆項強者風在心藏欲風欲雨便即先發者八兩和酒二斗因瘡得風口強脊脉急者五服即定一服一盞治一

切冷病積冷瘵瘦者四兩和酒一斗強者六兩和酒一斗
半痰飲疝瘕六兩和酒一斗半宿食嘔吐四兩和酒一斗
癥瘕腸鳴噫八兩和酒二斗癩痔塊堅冷嗽上氣二十兩
和酒五斗奔狫冷氣六兩和酒一斗半噎六兩和酒一斗
半久疰八兩和酒二斗冷痢六兩和酒一斗半久勞八兩
和酒二斗卒中惡注忤心腹脹氣急欲死者三服定一服
一盞大吐出鮮血瘴氣三服定一服一盞蠱毒五服定一
服一盞溫瘧五服定一服一盞瘖瘧五服永差一服一盞
治婦人諸風諸病等並依前件帶下十二兩和酒三斗崩
中六兩和酒一斗半月閉不通六兩和酒一斗半冷病不
產六兩和酒一斗半斷緒不產八兩和酒二斗月水前後
不調乍多乍少亦令人絕產四兩和酒一斗產後風冷不
產六兩和酒二斗若重者八兩和酒二斗甚者十六兩和

酒三斗大重者子宮下垂十六兩和酒四斗

論曰遐覽前古莫覩此方有高人李孝隆者自云隋初受之於定州山僧惠通道人此後用之大有效驗秘而不傳但得其藥其方不可得而開始吾得之於靜智道人將三紀於茲矣時俗名醫未之許也然比行之極有神驗其用藥殊不倫次將服節度大不近人情至於救急其驗特異方知神物效靈不拘常制至理關感智不能知亦猶龍吟雲起虎嘯風生此其不知所然而然雖聖人莫之辨也故述之篇末以貽後嗣好學君子詳之非止救物兼深抑亦庶幾於博見矣

耆婆萬病丸治七種瘕塊五種癩病十種疰忤七種飛尸十二種蠱毒五種黃病十二時瘡疾十種水病八種大風十二種癩痺并風入頭眼暗漠漠及上氣欬喉中如水雞聲不得眠卧飲食不作肌膚五藏滯氣積聚不消擁閉不通心腹

脹滿及連背背鼓氣堅結流入四肢或復又心膈氣滿時定
時發十年二十年不差五種下痢疳蟲寸白諸蟲上下冷熱
久積痰飲令人多睡消瘦無力陰入骨髓便成滯患身體氣
腫飲食嘔逆腰脚酸疼四肢沈重不能久行立婦人因產冷
入子藏藏中不淨或閉塞不通胞中瘀血冷滯出流不盡時
時疹痛為患或因此斷產并小兒赤白下痢及胡臭耳聾鼻
塞等病此藥以三丸為一劑服藥不過三劑萬病悉除說無
窮盡故稱萬病丸以其牛黃為主故一名牛黃丸以耆婆良
醫故名耆婆丸方

牛黃

麝香

犀角

今方去一分

朱砂

雄黃

黃連

禹餘糧

大戟

芫花

芫青

人參

石蜥蜴

茯苓

乾薑

桂心

當歸

芎藭

芍藥

甘遂

黃芩

桑白皮

蜀椒

細辛

桔梗

巴豆

前胡

紫苑

蒲黃

葶藶

防風

絡一蜈蚣三

右三十一味

崔氏無黃芩桑白皮桔梗防風為二十七味

並令精細牛黃麝香犀

角朱砂雄黃禹餘糧巴豆別研餘者合搗重絹下之以白

蜜和更搗三千杵密封之破除日平旦空腹酒服三九如

梧子取微下三升惡水為良若卒暴病不要待平旦無問

早晚即服以吐利為度若不吐利更加二九或至三九五

丸須吐利為度不得限以丸數病強藥少即不吐利更非

他故若其發遲以熱飲汁投之若吐利不止即以醋飯兩

三口止之服藥忌陳臭生冷酢滑粘食大蒜猪魚雞狗馬

驢肉白酒行房七日外始得一日服二日補之得食新米

非骨汁作羹粥臍飲食之三四頓大良亦不得全飽產婦

勿服之吐利以後常須閉口少語於無風處溫牀暖室將
息若旅行卒暴無飲以小便送之佳若一歲以下小兒有
疾者令乳母服兩小豆亦以吐利爲度近病及卒病皆用
多積久疾病即少服常取微溏利爲度

卒病欲死服三九如小豆取吐利即差

卒得中惡口噤服二九如小豆煖水一合灌口令下微利
即差

五疰鬼刺客忤服二九如小豆不差後日更服三九

男女邪病歌哭無時腹大如妊娠服二九如小豆日二夜
一間食服之

猫鬼病服三九如小豆未差更服

蠱毒吐血腹痛如刺服二九如小豆不差更服

瘡病未發前服一九如小豆不差後日更服

諸有痰飲者服三九如小豆

冷癖服三九如小豆日三皆間食常令微澹利

宿食不消服二九如小豆取利

癥瘕積聚服二九如小豆日三服皆間食以利差止

拘急心腹脹滿心痛服三九如小豆不差更服

上氣喘逆背滿不得卧服二九如小豆不差更服

大痢服一九如小豆日三

疝濕以二九如杏人和酢二合灌下部亦服二九如小豆

水病服三九如小豆日二皆間食服之差止人弱隔日服

頭痛惡寒服二九如小豆覆取汗

傷寒時行服二九如小豆日三間食服之

小便不通服二九如小豆不差明日更服

大便不通服三九如小豆又內一九下部中即通

耳聾聾耳以綿裹一九如小棗核塞之差

鼻衄服二九如小豆即差

癰腫丁腫破腫內一九如麻子曰一傳其根自出差
犯丁腫血出猪脂和傅有孔內孔中差止

脊背腰脅腫以酢和傅腫上日一易又服二九如小豆
癩瘡以酢泔洗之取藥和猪脂傅之

瘦瘡有孔以一九如小豆內孔中且和猪脂傅之
痔瘡塗綿筋上內孔中日別易差止

瘰癧以酢和傅上差

諸冷瘡積年不差者以酢和塗其上亦餅貼差

癬瘡以布揩令汁出以酢和傅上日別一易立差
惡刺以一九內瘡孔中即差

蝮蛇螫取少許內螫處若毒入腹心悶欲絕者服三九如

小豆

蠍螫以少許傳螫處

蜂螫以少許傳螫處

婦人諸疾胞衣不下服二丸如小豆取吐利即出

小兒客忤服二丸如米和乳汁傳乳頭令啣之

小兒驚癇服二丸如米塗乳頭令啣之看兒大小量之

小兒乳不消心腹脹滿服二丸如米塗乳頭令啣之不差

更服

治一切蠱毒妖邪鬼疰病者有進有退積聚堅結心痛如齧
不得坐卧及時行惡氣溫病風熱瘴氣相染滅門或時熱如
瘡瘡咽喉腫塞不下食飲或煩滿短氣面目時赤或目中赤
黃或乾嘔或吐逆或下痢赤白或熱氣如雲或欲狂走自殺
或如見鬼或手足清冷或熱飲冷水而不知足或使手掇空

或面目癰腫生瘡或耳目聾暗頭項背脊強不得屈伸或手足卒瘖或百鬼惡疰狐魅走入皮膚痛無常處方

麝香

馬目毒公

特生礬石

丹砂

馬齒礬

雄黃略二兩

巴豆枚十

青野葛二兩一本不用

右八味末之別擣巴豆如膏合擣五千杵內蜜更擣一萬杵丸如小豆強人服二丸弱人一九入腹雲行四布通徹表裏從頭下行周徧五藏六腑魂魄靜定情性得安病在膈上吐膈下利或蛇蟲諸毒五色熱水或不吐下便微漸除差萬蠱妖精狐狸鬼魅諸久固癖塊皆消散在表汗出在裏直下忌名其藥故此方無名也

仙人玉壺丸方

雄黃

藜蘆

丹砂

礬石礬石

巴豆

八角附子略三兩

右六味先擣巴豆三千杵次內麤石又擣三千杵次內藜
蘆三千杵次內附子三千杵次內雄黃三千杵次內丹砂
三千杵內蜜又擣萬杵佳若不用丹砂者內貝朱四兩無
在每內藥輒治五百杵內少蜜恐藥飛揚治藥用王相吉
日良時童子齋戒為良天晴明日無雲霧白晝藥成密器
中封之勿泄氣著清潔處大人丸如小豆服藥欲下病者
宿勿食旦服二丸不知者以煖粥飲發之令下下不止飲
冷水以止之病在膈上吐膈下利或但噫氣而已即若欲
漸除及將服消病者服如麻子丸二丸

卒中惡欲死不知人以酒若湯和二丸強開口灌喉中

鬼疰病百種不可名漿水服二丸日再

男女與鬼交通歌哭無常或腹大絕經狀如妊娠漿服二
丸如胡豆大日三夜一又苦酒和之如糝旦旦傳手間使

心主心主在手腕後第一約橫文當中指至暮又傳足三
陰三陽及鼻孔赤日愈又漿服麻子大一丸日三三日止
惡風逆心不得氣息服一丸

若腹中如有蟲欲鑽脅出狀急痛一止一作此是惡風服
二九

憂恚氣結在胸心苦連噫及欬胸中刺痛服如麻子三九
日三

心腹切痛及心中熱服一丸如麻子日三五日差
腹痛脹滿不食服一丸

澀飲痰飲旦服一丸

風疝寒疝心疝弦疝每發腹中急痛服二九

卒上氣氣但出不入并逆氣衝喉胃中暴積聚者服二九

日再

癥結堅痞服一九日三取愈

積寒熱老痞服二九

食肉不消腹堅脹服一九立愈

腹中三蟲宿勿食明日進牛羊炙三嚮須更便服三九如

胡豆日中當下蟲過日中不下更服二九必有爛蟲下

卒關格不得大小便欲死服二九

卒霍亂心腹痛煩滿吐下手足逆冷服二九

下痢重下者服一九取斷

瘧未發服一九已發二九便斷

若寒熱往來服一九

傷寒救瀆時氣熱病溫酒服一九厚覆取汗若不汗更服

要取汗

若淋瀝瘦瘠百節酸疼服二九日三

頭卒風腫以苦酒若膏和傳之絮裹之

癰疽瘞癰癩癧及欲作癩以苦酒和傳之

若惡瘡不可名癩疥疽以膏若苦酒和先以鹽湯洗瘡去
加拭乾傳之

鼠癩以猪脂和傳瘡取駮舌狗子舐之

中水毒服二九若已有瘡苦酒和三九傳瘡

耳聾膿血汁出及卒聾以赤穀皮裹二九內之

風目赤或痒視物漠漠淚出爛皆蜜解如粘塗注目眚

齒痛綿裹塞孔中

若為蠱毒所中吐血腹內如刺服一九如麻子稍加之如

胡豆亦以塗鼻孔中又以膏和通塗腹背亦燒之熏口鼻

若蛇蝮諸毒所中及猢猻狂馬所咋苦酒和傳水服二九

婦人產後餘疾及月水不通往來不時服二九日再

婦人胃中苦滯氣氣息不利少腹堅急繞臍絞痛漿服如麻子一九稍加之如小豆大

小兒百病驚癇痞塞及有熱百日半歲者以一九如黍米大置乳頭與服之一歲以上如麻子一九日三以飲服

小兒大腹及中熱惡毒食物不化結成積聚服一九

小兒寒熱頭痛身熱及吐衄服一九如麻子

小兒羸瘦丁奚不能食食不化漿水服二九日三又苦酒和如梧子傳腹上良

一切萬病量之不過一二九莫不悉愈

欲行問孝省病服一九一九繫頸上行無所畏至喪家帶一九辟百鬼若獨止宿山澤冢墓社廟叢林之中燒一九百鬼走去不敢近人以蠟和一九如彈丸著絳囊繫臂上男左女右山精鬼魅皆畏之

張仲景三物備急丸司空裴秀為散用治心腹諸卒暴百病方

大黃

乾薑

巴豆

各等分

右皆須精新多少隨意先擣大黃乾薑下篩為散別研巴豆如脂內散中合擣千杵即爾用之為散亦好下蜜為丸密器貯之莫令歇氣若中惡客忤心腹脹滿刺痛口噤氣急停屍卒死者以煖水若酒服大豆許三枚老小量之扶頭起令得下喉須臾未醒更與三枚腹中鳴轉得吐利便愈若口已噤可先和成汁傾口中令從齒間得入至良治萬病大理氣丸方

牛膝

甘草

人參

茯苓

遠志

恒山

苦參

丹參

沙參

龍膽

芍藥

牡蒙

半夏

杏仁

紫菀

龍骨

天雄

附子

葛根

橘皮

巴豆

狼牙各二兩

大黃

牡蠣

白朮各三兩

白薇分六

玄參分十

藿蘆一枚大者

生薑兩五

右二十九味搗節二十七味生藥令熟又搗巴豆杏仁如

膏然後和使相得加白蜜搗五千杵丸如梧子空腹酒服

七九日三疔瘕癥結五十日服永差吾常用理氣大覺有效

大麝香丸治鬼疰飛尸萬病皆主之方

麝香分三

牛黃

附子

鬼臼

眞珠

莽草

犀角

礬石

細辛

桂心

獺肝

藜蘆各二分

蜈蚣

蜥蜴各一枚

丹砂兩二

雄黃兩一

巴豆

杏仁各五枚

地膽蝮蛇臺作膽

元青

亭長

斑猫各七枚

礬石分八

右二十三味末之蜜和合更搗三千杵飲服如小豆一九

日二漸加至三九蟲毒所螫摩之以知為度若欲入毒疫

癘鄉死喪病處及惡鬼塚墓間絳袋盛之男左女右肘後
繫之又以少傅鼻下人中及卧不甦

小麝香丸治病與大麝香丸同方

麝香分三

雄黃

當歸外臺不用

丹砂各四分

乾薑

桂心

芍藥各五分

莽草

犀角

梔子各三分

巴豆五十枚

附子

烏頭各五枚

蜈蚣一枚

右十四味末之加細辛五分蜜和合擣千杵服如小豆三
丸日三可至五丸一切尸疰痛悉皆主之

治諸熱不調紫葛丸方

紫葛

石膏

人參

丹參

細辛

紫參

苦參

玄參

齊鹽

代赭

茯苓

巴豆

烏頭各三分

乾薑

桂心

獨活各五分

右十六味末之蜜和更擣一萬杵服如小豆六丸食前三
丸食後三丸忌五辛猪雞魚蒜餘不在禁限若覺體中大
熱各減一丸服之令人肥悅好顏色強陽道能食服藥後
十日得利黃白汁大佳婦人食前食後只服二丸兩歲以
下兒服米粒大令人能飲酒除百病藥之功能損益備述
如左

腹中積聚心腹滿 心下堅 宿食 痰飲 食吐逆

上氣 欬嗽 咽喉鳴 短氣 黃疸 久瘧 面腫

四肢煩重 身浮腫 坐起體重 熱病濕匿下部痒

大腸出 熱淋 關格不通 下利 顏色不定羸瘦無力

弱房少精精冷 體瘡痒 身體斑駁 從高墮下絕傷

墮胎後傷損血 皮肉焦爛 月水不定或後或前

月水斷心下悶滿 肩膊沈重 小兒百病 小兒癖氣

乳不消小兒身常壯熱腹內有病所錄諸病皆紫葛丸治之若積日服之未愈消息準方服之取差止秘不傳藥性冷尤宜患熱人服之

太一神精丹主客忤霍亂腹痛脹滿尸疰惡風癩狂鬼語蠱毒妖魅溫瘧但是一切惡毒無所不治方

丹砂

曾青

雌黃

雄黃

礞石各四兩

金牙二兩半

右六味各擣絹下篩惟丹砂雌黃雄黃三味以醎醋浸之曾青用好酒銅器中漬紙密封之日中曝之百日經憂急五日亦得無日以火煖之訖各研令如細粉以醎酢拌使乾濕得所內土釜中以六一泥固際勿令泄氣乾然後安鐵環施脚高一尺五寸置釜上以漸放火無問軟硬炭等皆得初放火取熟兩秤炭各長四寸置於釜上待三分二

分盡即益如此三度盡用熟火然後用益生炭其過三上
 熟火已外皆須加火漸多及至一伏時其火已欲近釜即
 便滿其釜下益炭經兩度即罷火盡極冷然後出之其藥
 精飛化凝著釜上五色者上三色者次一色者下雖無五
 色但色光明皎潔如雪最佳若飛上不盡更令與火如前
 以雄雞翼掃取或多或少不定研和棗膏丸如黍粒一本
砂曾青雄黃雌黃各二斤丹砂以大酢器中漬曾青美
酒漬紙密封閉日暴一百日雄黃雌黃各油煎九日九夜
去油膩訖更擣數千杵皆勿研之剔黃次曾青丹砂以
然內藥土釜中餘毫毛許乾以剛炭火燒之九夜去
甘土泥塗勿令夜至釜底九日九夜侵釜腹三日九夜
釜伍寸九日九夜至釜底九日九夜侵釜腹三日九夜
丹七日冷細研如粉以棗膏和切丹不得用蜜皆用棗
膏學者宜知此術舊不用治偏風大風惡疾癩癧癰節鬼
磁石金牙今加而用之

打等最良服之法平旦空腹服一丸如黍米為度其瘡病
 積久百方不差又加心腹脹滿上氣身面脚等並腫垂死

者服一丸吐即差亦有不吐差者若不吐復不差者更服
一丸半仍不差者後日增半丸漸服無有不差氣亦定當
吐出青黃白物其因瘧兩脅下有癖塊者亦當消除若心
腹不脹滿者可與一丸日日加之以知爲度不必專須吐
亦可一丸即差勿併與服亦可三日一服皆須以意斟酌
量得其宜或腹內有水便即下者勿怪若患瘧日近精神
健亦可斟酌病人藥性併與兩丸作一丸頓服之皆至午
後食勿使冷勿使熱豉漿粥任意食之若病瘧盜汗虛弱
者日服一丸三日吐即止若患瘧不汗氣復不流脚冷者
服一丸至三日若不汗氣復脚即暖有潤汗不至三日吐
即止若患瘧無顏色者服藥後三日即有顏色亦有須吐
差者亦有服少許而差者亦有殺藥強人服三四丸始覺
藥行者凡人稟性不同不可一槩與之但作黍米大服之

為始漸加以知為度藥力驗壯勿併多服特慎油麪魚肉
蒜當清淨服之若有患久不差在牀羸瘦并腹脹滿及腫
或下痢者多死但與藥救之十人中或差三四人也又一
說癥瘕積聚服一刀圭以飲漿水送之治諸卒死中惡客
忤霍亂腹滿體帶五尸疰惡風疰忤大病相易死亡滅門
狂癲鬼語已死氣絕心上微暖者扶起其頭以物校開口
不可開琢去兩齒以漿飲送藥藥下即活諸久病者日服
一刀圭覆令汗汗出即愈不愈者不過再服亦有不汗而
差復有不汗不愈者服如上法加半刀圭以差為度常以
絳囊帶九刀圭散男左女右小兒繫頭上辟瘴毒惡時氣
射公小兒患可以苦酒和之塗方寸紙上著兒心腹上令
藥在上治之亦有已死者冬二日夏一日與此藥服得藥
下便活若不得入腹不活若加金牙磁石者服至五服內

必令人吐逆下利過此即自定其藥如小豆大為始從此
漸小不得更大風惡癩可二十服偏風歷節諸惡風癩
病等可二十服自餘諸惡病者皆止一二服量人輕重強
弱不得多與若欲解殺藥但爛煮食肥猪肉服此藥後小
應頭痛身熱一二日來大不能得食味後自漸漸得氣味
五日後便能食若貪食過多者宜節之若服藥下悶亂可
煮木防已湯服之即定凡言刀圭者以六粟為一刀圭一
說云三小豆為一刀圭

作土釜法取兩箇瓦盆各受二大斗許以甘土塗其內令極

乾又一法作一瓦釜作一熟鐵釜各受九升瓦在上鐵在下

其狀大小隨藥多少不必依此說一本云擣好甘土縮篩水

一升內細紙均停可受十斤亦可隨藥多少以糠五石內釜

日置日中暴之三十日夕番轉向日乾訖以糠五石內釜
糠中四向土攔攏之令人近之去灰待冷一日一夜乃取
下放之五日五夜勿令人近之去灰待冷一日一夜乃取

拭令淨以黃丹醋和如稀粥掃其中令厚一分乃內藥凡不合
九丹入石招覓太清神仙諸大丹皆用此釜作之乃成終不
落其古釜六一泥及鐵釜皆除去勿更用也此釜一具
前後數十回用不動久久轉牢此法師甚秘之令當來
天_下委曲具而述解之
以委曲具而述解之

作六一泥法

赤石脂

牡蠣

滑石

礬石

黃礬

蚯蚓屎

鹵土

各二

右取醖酢以足為度若無鹵土以鹽代之先作甘土泥以
泥各別裹前黃礬等五種作團裹之勿令泄氣以火燒周
三日最好一日亦得出火破團取藥各擣碎絹篩然後與
蚯蚓屎鹵土等分以酢和之如稠粥既得好酢可用二分
酢一分水和用取前瓦盆以此泥塗之曾青如蚯蚓屎如
黃連佳世少此者好崑崙碌亦得差病丹砂亦少栗砂亦
得舊不用磁石金牙今加之

用治萬種惡風神良凡有患連年積歲不可治者宜須合此一篇皆以王相日天晴明齋戒沐浴如法合之

述曰古之仙者以此救俗特為至秘余以大業年中數以合和而苦雄黃曾青難得後於蜀中遇雄黃大賤又於飛鳥玄武大獲曾青蜀人不識曾青今須識者隨其大小但作蚯蚓屎者即是如此千金可求遂於蜀縣魏家合成一釜以之治病神驗不可論宿癘風氣百日服者皆得痊愈故叙而述焉凡雄黃皆以油煎九日九夜乃可入丹不爾有毒慎勿生用之丹必熱毒不堪服慎之

倉公散方

特生礬石

皂莢

雄黃

藜蘆

各等

右四味治下篩主卒鬼擊鬼疝鬼刺心腹痛如刺下血便死不知人及卧魘齧脚踵不覺者諸惡毒氣病取前散如

大豆內管中吹病人鼻得嚏則氣通便活若未嚏復更吹之以得嚏為度此藥起死人漢文帝時太倉令淳于意方小金牙散治南方瘡癘疫氣脚弱風邪鬼疰方

金牙疔

雄黃

草薺

黃芩

蜀椒

由跋

桂心

莽草

天雄

朱砂

麝香

烏頭各二分

牛黃分

蜈蚣一撮六分

細辛

萎蕤

犀角

乾薑各三分

黃連四分

右十九味治下篩合牛黃麝香搗三千杵溫酒服錢五匕日三夜二以知為度絳袋盛帶男左女右一方寸匕省病問孝不避夜行塗人中晨昏霧露亦塗之

大金牙散主一切蠱毒百疰不祥醫所不治方

金牙

鸛骨

石膏各八分

大黃

鼈甲

梔子人

鬼督郵

龜甲

桃白皮

銅鏡鼻

乾漆

各四

桂心

芍藥

射干

升麻

徐長卿

鳶尾

蜂房

細辛

乾薑

芒消

由跋

馬目毒公

羚羊角

犀角

甘草

狼毒

蜣螂

龍膽

狼牙

雄黃

真朱

地膽

樗雞

芫青

各七

桃奴

巴豆

各二

雷丸

龍牙

白木

胡鷲矢

活草子

各六

鐵精

赤小豆

各二

芫花

莽草

射罔

烏梅

各一

蛇蛻皮

尺斑

貓

各七

右五十味治下篩服一刀圭稍加至二刀圭帶之辟百邪

治九十九種疰

一本有麝香無白朮

備急千金要方卷第十二

欽定四庫全書

金澤文庫

欽定四庫全書

古正十和... 欽定四庫全書

烏蘇谷... 欽定四庫全書

赤小豆... 欽定四庫全書

芙蓉... 欽定四庫全書

葵草... 欽定四庫全書

根... 欽定四庫全書

白朮... 欽定四庫全書

附... 欽定四庫全書

刺草... 欽定四庫全書

... 欽定四庫全書

紫青... 欽定四庫全書

北... 欽定四庫全書

巴豆... 欽定四庫全書

... 欽定四庫全書

射干... 欽定四庫全書

射黃... 欽定四庫全書

... 欽定四庫全書

... 欽定四庫全書

... 欽定四庫全書

甘草... 欽定四庫全書

... 欽定四庫全書

... 欽定四庫全書

... 欽定四庫全書

... 欽定四庫全書

... 欽定四庫全書

... 欽定四庫全書

... 欽定四庫全書

... 欽定四庫全書

... 欽定四庫全書

... 欽定四庫全書

... 欽定四庫全書

... 欽定四庫全書

... 欽定四庫全書

... 欽定四庫全書